



白氏長慶集卷第十六

唐太子少傅刑部尚書致仕贈尚書右僕射太原
白居易樂天著

明後學松江馬元調異甫校

律詩

五言七言自二韻至一百韻凡一百首

東南行一百韻寄通州元九侍御澧州李十一

舍人果州崔二十二使君開州韋大員外庾

三十二補闕杜十四拾遺李二十助教員外

竇七校書

南去經三楚東來過五湖山頭看

句問征地

遠窮江界天低極海隅飄零同落葉洪濤似乘槎覺

鄉原異深知土產殊夷音語嘲晰先報切蠻態笑睢盱水

市通闌闐煙村混舳直六龍都切吏徵魚戶稅人納火

田租亥日饒鰕鱉寅年足虎貍抽居切成人男作非古患切

似鬼女為巫樓閣攢猖婦隄喧簇貶夫夜船論鋪賃春

酒斷鏡沽見果多盧橘聞禽悉鷓鴣山歌猿獨叫野哭

鳥相呼嶺微雲成棧江郊水當郭月橋翹柱鶴風沉颯

檣烏鰲礙潮無信蛟驚浪不虞鼉鳴泉窟室蜃時軫切結

氣浮圖樹裂山魈先彫切穴沙含水弩樞喘牛犁紫芋羸

馬放青菰繡面誰家婢鴟頭幾歲奴泥中採菱莢巨險切

燒後拾樵蘇鼎膩愁烹鼈盤腥厭膾鱸鐘儀徒戀楚張

翰浪思吳氣序涼還熱光陰旦復晡奔模切身方逐萍梗

年欲近桑榆渭北田園廢江西歲月徂憶歸恒慘澹懷

舊忽踟躕自念咸秦客嘗為鄒魯儒蘊藏經國術輕棄

度關繻賦力凌鸚鵡詞鋒敵轆轤戰文重掉鞅射策一

彎孤崔杜鞭齊下元韋轡並驅名聲逼楊馬交分過蕭

朱世務輕磨揣周行竊覬覦風雲皆會合雨露各霑濡

共偶昇平代偏慙固陋軀承明連夜直建禮拂晨趨美

服頒王府珍羞降御厨議高通白虎諫切伏青蒲栢殿

行陪宴花樓走看酺薄胡切神旗張鳥獸負動竿竿九

白集 卷十六
劍星芒耀魚龍電策駈定場排漢旅促坐進吳飲羊朱切吳

歌曰縹緲疑仙樂嬋娟勝畫圖歌鬟低翠羽舞汗墮紅

珠別選閒遊伴潛招小飲徒一杯愁已破三盞氣彌麤

軟美仇家酒幽閒葛氏姝十千方得斗二八正當鑪論

笑杓胡碑談憐鞏嘯嚙李酣猶短實庾醉更蕪因肩切

迂鞍馬呼教住散盤喝遣輸長驅波卷白連擲采成盧

散盤卷白波莫走鞍馬皆當時酒令籌併頻逃席觥巖列置孟滿卮那可

灌顏玉不勝扶入視中樞草歸乘內廐駒醉曾衝宰相

驕不揖金吾日近恩雖重雲高勢却孤翻身落霄漢失

脚倒泥塗博望移門籍潯陽佐郡符予自太子贊善大夫出為江州司馬

時情變寒暑世利筭錙銖即日辭雙闕明朝別九衢播

遷分郡國次第出京都十年春微之移佐通州其年秋

澧州崔二十二出牧秦嶺馳三驛商山上二邗云俱切

果州韋大出牧開州崑陽亭寂寞夏口路崎嶇大道全生棘中丁

道中有東盡執爻江關未徹警淮寇尚稽誅時淮西未平路經襄

林對東西寺山分大小姑東林西林寺在廬山北彭蠡湖中

廬峯蓮刻削湓浦帶縈紆蓮花峯在廬山北湓水在江

湓水縈九派吞青草潯陽在九派南孤城覆綠蕪南方

如帶黃昏鐘寂寂清曉角鳴鳴春色辭門柳秋聲到井

梧殘芳悲鷓鴣音啼暮節感茱萸藥拆金英菊花飄雪

片蘆波紅日斜沒沙白月平鋪幾見林抽笋頻驚燕引
雛歲華何倏忽年少不須與眇默思千古蒼茫想八區
孔窮緣底事顏天有何辜龍智猶經醢龜靈未免剝窮
通應已定聖哲不能逾况我身謀拙逢他厄運拘漂流
隨大海鎚鍛任洪爐險阻嘗之矣栖遲命也夫沈冥消
意氣窮餓耗肌膚防瘡和殘藥迎寒補舊襦書牀鳴蟋
蟀琴匣網踟躕貧室如懸磬端憂劇守株時遭人指點
數被鬼擲余遮揄雲俱切兀兀都疑夢昏昏半是愚女驚
朝不起妻怪夜長吁萬里拋朋侶三年隔友于自然悲
聚散不是恨榮枯去夏微之瘡今春席八俎天涯書達

否泉下哭知無去年間元九瘡書去竟未報今春聞席八俎久與還往能無慟矣謾寫

詩盈卷空盛酒滿壺只添新悵望豈復舊歡娛壯志因

愁減衰容與病俱相逢應不識滿頷戶感切白髭鬚

謫居

面瘦頭班四十四遠謫江州爲郡吏逢時棄置從不才
未老衰羸爲何事火燒寒澗松爲燼霜降春林花委地
遭時榮悴一時閒豈是昭昭上天意

初到江州寄翰林張李杜三學士

早攀霄漢上天衢晚落風波委世途雨露施恩無厚薄
蓬蒿隨分有榮枯傷禽側翅驚弓箭老婦低顏事舅姑

白集 卷一
碧落三仙曾識面年深記得姓名無

庾樓曉望

獨憑朱檻立凌晨山色初明水色新竹霧曉籠銜嶺月
蘋風送煖過江春子城陰處猶殘雪衙鼓聲前未有塵
三百年來庾樓上曾經多少望鄉人

宿西林寺

木落天晴山翠開愛山騎馬入山來心知不及柴桑令

一宿西林便欲回

柴桑令劉遺民是也

江樓宴別

樓中別曲催離酌燈下紅裙間綠袍縹緲楚風羅綺薄

錚鏦越調管絃高寒流帶月澄如鏡夕吹和霜利似刀
樽酒未空歡未盡舞腰歌袖莫辭勞

題山石榴花

一叢千朵壓欄干剪碎紅綃却作團風嫋舞腰香不盡
露銷粧臉淚新乾薔薇帶刺攀應懶菡萏生泥翫亦難
爭及此花簷戶下任人採弄盡人看

代春贈

山吐晴峰水放光辛夷花白柳梢黃但知莫作江西意
風景何曾異帝鄉

荅春

草煙低重水花明從道風光似帝京其柰山猿江上叫
故鄉無此斷腸聲

櫻桃花下歎白髮

逐處花皆好隨年貌自衰紅櫻滿眼日白髮半頭時倚
樹無言久攀條欲放遲臨風兩堪歎如雪復如絲

惜落花贈崔二十四

漠漠紛紛不柰何狂風急雨兩相和晚來悵望君知否
枝上稀疎地上多

移山櫻桃

亦知官舍非吾宅且劔山櫻滿院栽上佐近來多玉考

少應四度見花開

官舍閒題

職散優閒地身慵老大時送春唯有酒銷日不過蒸祿

米麀

工良切

牙稻園疏鴨脚葵飽餐晨晏起餘暇弄龜兒

龜兒即小姪名

晚春登大雲寺南樓贈常禪師

花盡頭新白登樓意若何歲時春日少世界苦人多愁
醉非因酒悲吟不是歌求師治此病唯勸讀楞伽

北樓送客歸上都

憑高眺遠一悽悽却下朱欄手共攜京路人歸天直北

江樓客散日平西長津欲渡迴船尾殘酒重傾簇馬蹄
不獨別君須強飲窮愁自要醉如泥

北亭招客

疎散郡丞同野客幽閒官舍抵山家春風北戶千莖竹
晚日東園一樹花小盞吹醅鋪杯切嘗冷酒深爐敲火炙
新茶能來盡日觀棊否太守知慵放晚衙

宿西林寺早赴東林滿上人之會因寄崔二十

二員外

謫辭魏闕鷲鸞隔老入廬山麋鹿隨薄暮蕭條投寺宿
凌晨清淨與僧期雙林我起聞鐘後隻日君趨入閣時

鵬鷲高低分皆定莫勞心力遠相思

遊寶稱寺

竹寺初晴日花塘欲晚春野猿疑弄客山鳥似呼人酒
嫩傾金液茶新碾玉塵可憐幽靜地堪寄老慵身

早春聞提壺鳥因題隣家

厭聽秋猿催下淚喜聞春鳥勸提壺誰家紅樹先花發
何處青樓有酒沽進士龕豪尋靜盡拾遺風彩近都無
欲期明日東林醉變作騰騰一俗夫

見紫薇花憶微之

一叢閨澹將何比淺碧籠裙襯紫巾除却微之見應愛

人閒少有別花人

薔薇花一叢獨死不知其故因有是篇

柯條未嘗損根發不曾移同類今齊茂孤芳忽獨萎仍
憐委地日正是帶花時碎碧初凋葉焦紅尚戀枝乾坤
無厚薄草木自榮衰欲問因何事春風亦不知

湖亭望水

久雨南湖漲新晴北客過日沉紅有影風定綠無波岸
沒間闌少灘平船舫多可憐心賞處其柰獨遊何

閒遊

外事因慵廢中懷與靜期尋泉上山遠看笋出林遲白

石磨樵斧青竿理釣絲澄清深淺好最愛夕陽時

憶微之傷仲遠

李三仲遠
七六年春喪

幽獨辭群久漂流去國賒只將琴作伴唯以酒爲家感
逝因看水傷離爲見花李三埋地底元九謫天涯舉眼
青雲遠回頭白日斜可能勝賈誼猶自滯長沙

過鄭處士

聞道移居村塢間竹林多處獨開關故來不是求他事
暫借南亭一望山

霖雨苦多江湖暴漲塊然獨望因題北亭

自作潯陽客無如若雨何陰昏晴日少閒悶睡時多湖

白集 卷十一
關將天合雲低與水和籬根舟子語巷口釣人歌霧鳥
沈黃氣風帆斃白波門前車馬道一宿變江湖

春末夏初閒遊江郭二首

閒出乘輕屐徐行蹋軟沙觀魚傍湓浦看竹入楊家

湓浦

多魚浦西有楊侍郎宅多好竹林迸穿籬笋藤飄落水花雨埋釣舟小

風颺酒旗斜嫩剝青菱角濃煎白茗茶淹留不知夕城
樹欲栖鴉

二

柳影繁初合鶯聲澁漸稀早梅迎夏結殘絮送春飛西
日韶光盡南風暑氣微展張新小簾熨帖舊生衣綠蟻

杯香嫩紅絲鱠縷肥故園無此味何必苦思歸

紅藤杖

杖出南蠻

南詔紅藤杖西江白首人時時攜步月處處把尋春勁
健孤莖直疎圓六節勻火山生處遠瀘水洗來新粗細
纔盈手高低僅過身天邊望鄉客何日拄歸秦

風雨中尋李十一因題船上

匹馬來郊外扁舟在水濱可憐衝雨客來訪阻風人小

醯苦盍切沽清醕私呂切行厨煮白鱗停杯看柳色各憶故

園春

題廬山山下湯泉

白集 卷十六
九
一眼湯泉流向東，浸泥澆草煖無功。
驪山溫水因何事，流入金鋪玉甃中。

寄蘄州簞與元九因題六韻

時元九
鰥居

笛竹出蘄春，霜刀劈翠筠。
織成雙鎖簞，寄與獨眠人。
卷作筒中布，舒爲席上珍。
滑如鋪薤葉，冷似臥龍鱗。
清潤宜乘露，鮮華不受塵。
通州炎瘴地，此物最關身。

秋熱

西江風候接南威，暑氣常多風氣微。
猶道江州最涼冷，至今九月着生衣。

題元八溪居

溪嵐漠漠樹重重，水檻山牕次第逢。
晚葉尚開紅踑躅，秋芳初結白芙蓉。
聲來枕上千年鶴，影落杯中五老峯。
更媿殷勤留客意，魚鮮飯細酒香濃。

晚出西郊

散吏閒如客，貧州冷似村。
早涼湖北岸，殘照郭西門。
嬾鑷尼輒切從鬚白，休醫任眼昏。
老來何所用，少與不多言。

階下蓮

葉展影翻當砌月，花開香散入簾風。
不如種在天池上，猶勝生於野水中。

端居詠懷

賈生俟罪心相似張翰思歸事不如
料日早知驚鵬鳥
秋風悔不憶鱸魚胸襟曾貯匡時策
懷袖猶殘諫獵書
從此萬緣都擺落欲攜妻子買山居

夜宿江浦聞元八改官因寄此詩

君遊丹陛已三遷我汎滄浪欲二年
劔珮曉趨雙鳳闕
煙波夜宿一漁船交親盡在青雲上
鄉國遙拋白日邊
若報生涯應笑殺結茅栽芋種畬田

百花亭

朱檻在空虛涼風八月初山形如峴首
江色似桐廬
佛寺乘船入人家枕水居高亭仍有月
今夜宿何如

江樓早秋

南國雖多熱秋來亦不遲湖光朝霽後
竹氣晚涼時
樓閣宜佳客江山入好詩清風水蘋葉
白露木蘭枝欲作
雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情
山鬼趨丘妖切跳唯
一足峽猿哀怨過三聲帆開青草湖中去
衣濕黃梅雨
裏行別後雙魚難定寄近來潮不到湓城

百花亭晚望夜歸

百花亭上晚徘徊雲影陰晴掩復開
日色悠揚映山盡

白集 卷一六
雨聲蕭颯渡江來，髮毛遇病雙如雪。心緒逢秋一似灰，
向夜欲歸愁未了。滿湖明月小船迴。

西樓

小郡大江邊，危樓夕照前。青蕪卑濕地，白露呼汰寒。
天鄉國此時阻，家書何處傳。仍聞陳蔡戍，轉戰已三年。
尋李道士山居兼呈元明府

盡日行還歇，遲遲獨上山。攀藤老筋力，照水病容顏。陶
巷招居住，茅家許往還。飽諳榮辱事，無意戀人間。

四十五

行年四十五，兩鬢半蒼蒼。清瘦詩成癖，粗豪酒放狂。老
來猶委命，安處卽爲鄉。或擬廬山下，來春結草堂。

寄李相公崔侍郎錢舍人

曾陪鶴馭兩三仙，親侍龍輿四五年。天上歡華春有限，
世間漂泊海無邊。榮枯事過都成夢，憂喜心忘便是禪。
官滿更歸何處去，香爐峰在宅門前。

廳前桂

天台嶺上凌霜樹，司馬廳前委地叢。一種不生明月裏，
山中猶校勝塵中。

尋黃道士藥堂因有題贈

行行覓路緣松嶠，步步尋花到杏壇。白石先生小有洞，

黃芽姹齒下切女大還丹常悲東郭千家塚欲乞西山五色丸但恐長生須有籍仙臺試爲檢名看

秋晚

籬菊花稀砌桐落樹陰離離日色薄單幕疎簾貧寂寞涼風冷露秋蕭索光陰流轉忽已晚顏色凋殘不如昨萊妻臥病月明時不搗寒衣空搗藥

南浦歲暮對酒送王十五歸京

臘後冰生覆湓水夜來雲闇失廬山風飄細雪落如米索索蕭蕭蘆葦間此地二年留我住今朝一酌送君還相看漸老無過醉聚散窮通總是閒

除夜

薄晚支頤坐中宵枕臂眠一從身去國再見日周天老度江南歲春拋渭北田潯陽來早晚明日是三年

聞李十一出牧澧州崔二十二出牧果州因寄

絕句

平生相見卽眉開靜念無如李與崔各是天涯爲刺史緣何不覓九江來

元和十三年淮寇未平詔停歲仗憤然有感率

爾成章

聞停歲仗軫皇情應爲淮西寇未平不分氣從歌裏發

白集 卷十六
無明心向酒中生，愚計忽思飛短檝。狂心便欲請長纓，從來妄動多如此。自笑何曾得事成。

庾樓新歲

歲時銷旅貌，風景觸鄉愁。牢落江湖意，新年上庾樓。

上香爐峯

倚石攀蘿歇病身，青筇竹杖白紗巾。他時畫出廬山障，便是香爐峯上人。

憶微之

與君何日出屯蒙，魚戀江湖鳥厭籠。分手各拋滄海畔，折腰俱老綠衫中。三年隔闊音塵斷，兩地飄零氣味同。

又被新年勸相憶，柳條黃軟欲春風。

雨夜贈元十八

卑濕沙頭宅，連陰雨夜天。共聽簷溜滴，心事兩悠然。把酒循環飲，移牀曲尺眠。莫言非故舊，相識已三年。

寒食江畔

草香沙暖水雲晴，風景令人憶帝京。還似往年春氣味，不宜今日病心情。聞鶯樹下沉吟立，信馬江頭取次行。忽見紫桐花悵望，下邳明日是清明。

三月三日登庾樓寄三十二

三日歡遊辭曲水，二年愁臥在長沙。每登高處長相憶。

何况茲樓屬庾家

聞李六景儉自河東令授唐鄧行軍司馬以詩

賀之

誰能淮上靜風波聞道河東應此科不獨文詞供奉記
定將談笑解兵戈泥埋劔戟終難久永借蛟龍何在多
四十著緋軍司馬男兒官職未蹉跎

石榴樹

可憐顏色好陰涼葉剪紅牋花撲霜傘蓋低垂金翡翠
薰籠亂搭繡衣裳春芽細炷千燈焰夏藥濃焚百和香
見說上林無此樹只教桃柳占年芳

柳一作李

大林寺桃花

人間四月芳菲盡山寺桃花始盛開長恨春歸無覓處
不知轉入此中來

詠懷

自從委任順浮沈漸覺年多功用深面上減除憂喜色
胸中消盡是非心妻兒不問唯耽酒冠帶皆慵只抱琴
長笑靈均不知命江籬叢畔苦悲吟

魚音切

早發楚城驛

過雨塵埃滅沿江道徑平月乘殘夜出人趁早涼行寂
歷閒吟動冥濛闇思生荷塘翻露氣稻壟瀉泉聲宿犬

白集 卷一
聞鈴起栖禽見火驚
隴隴煙樹色十里始天明

箬峴東池

箬

如灼切 胡典切

亭東有小池早荷新
荇綠參差中霄把

火行人發驚起雙棲白鷺鷥

建昌江

建昌江水縣門前立馬教人喚渡船
忽似往年歸蔡渡
草風沙雨渭河邊

哭從弟

傷心一尉便終身叔母年高新婦貧
一片綠衫消不得
腰金拖紫是何人

香爐峯下新卜山居草堂初成偶題東壁五首

五架三間新草堂石階柱柱竹編牆
南簷納日冬天煖
北戶迎風夏月涼
灑砌飛泉纔有點拂牕
斜竹不成行
來春更葺東廂屋紙閣蘆簾著孟光

喜入山林初息影厭趨朝市久勞生
早年薄有煙霞志
歲晚深諳世俗情已許虎溪雲裏臥
不爭龍尾道前行
從茲耳界應清淨免見啾啾毀譽聲

長松樹下小溪頭斑鹿胎巾白布裘
藥圃茶園爲產業
野麋林鶴是交遊雲生澗戶衣裳潤
嵐隱山厨火獨幽
最愛一泉新引得清泠屈曲遶階流

日高睡足猶慵起小閣重裘不怕寒遺愛寺泉欹枕聽
香爐峯雪撥簾看匡廬便是逃名地司馬仍爲送老官
心泰身寧是歸處故鄉何獨在長安
宦途自此心長別世事從今口不言豈止形骸同土木
兼將壽夭任乾坤胸中壯氣猶須遣身外浮雲何足論
還有一條遺恨事高家門館未酬恩

山中問月

爲問長安月誰教不暫離昔隨飛蓋處今照入山時借
助秋懷曠留連夜臥遲如歸在鄉國似對好親知松下
行爲伴谿頭坐有期千巖將萬壑無處不相隨

正月十五日夜東林寺學禪偶懷藍田楊主簿

因呈智禪師

新年三五東林夕星漢迢遙鍾梵遲花縣當君行樂夜
松房是我坐禪時忽看月滿還相憶始歎春來自不知
不覺定中微念起明朝更問鴈門師

臨水坐

昔爲東掖垣中客今作西方社內人手把楊枝臨水坐
閒思往事似前身

山居

山齋方獨往塵事莫相仍藍輿辭鞍馬緇徒換友朋朝

餐唯藥菜夜伴只紗燈除却青衫在其餘便是僧

遺愛寺

弄日臨溪坐尋花遶寺行時時聞鳥語處處是泉聲

山中與元九書因題書後

憶昔封書與君夜金鑿殿後欲明天今夜封書在何處
廬山菴裏晚燈前籠鳥檻猿俱未死人閒相見是何年

黃石巖下作

久別鷓鴣侶深隨鳥獸羣教他遠親故何處覓知聞昔
日青雲意今移向白雲

戲贈李十三判官

垂鞭相送醉醺醺遙見廬山指似君想君初覺從軍樂

未愛香爐峰上人

醉中戲贈鄭使君

時使君先歸留妓樂重飲

密座移紅毯

吐敢切

酡顏照綠杯雙娥留且住五馬任先

迴醉耳歌催醒愁眉笑引開平生少年興臨老斲重來

江亭夕望

憑高遠望思悠哉晚上江亭夜未迴日欲沒時紅浪沸
月初生處白煙開辭枝雪藥將春去滿鑷尼輒切霜毛送

老來爭敢三年作歸計心知不及賈生才

酬元員外三月三十日慈恩寺相憶見寄

白集 卷十六
悵望慈恩三月盡紫桐花落鳥關關誠知曲水春相憶
其柰長沙老未還赤嶺猿聲催白首黃茅瘴領換朱顏
誰言南國無霜雪盡在愁人髮髮間

偶然二首

楚懷邪亂靈均直放棄合宜何惻惻漢文明聖賈生賢
謫向長沙堪歎息人事多端何足怪天文至信猶差忒
月離于畢合霧霓有時不雨誰能測
火發城頭魚水裏救火竭池魚失水乖龍藏在牛領中
雷擊龍來牛枉死人道著神龜骨靈試卜魚牛那至此
六十四卦七十鑽畢竟不能知所以

中秋月

萬里清光不可思添愁益恨遶天涯誰人隴外久征戍
何處庭前新別離失寵故姬歸院夜沒蕃老將上樓時
照他幾許人腸斷玉兔銀蟾遠不知

謝李六郎中寄新蜀茶

故情周匝向交親新茗分張及病身紅紙一封書後信
綠芽十片火前春湯添勺水煎魚眼未下刀圭攪麴塵
不寄他人先寄我應緣我是別茶人

攜諸山客同上香爐峰遇雨而還沾濡狼籍互
相笑謔題此解嘲

蕭灑登山去龍鍾遇雨回磴丁鄧切危攀薜博陌切荔力霽切
石滑踐莓苔襪汗君相謔鞋穿我自哈呼來切莫欺泥土
脚曾蹋玉階來

彭蠡湖晚歸

彭蠡湖天晚桃花水氣春鳥飛千白點日沒半紅輪何
必爲遷客無勞是病身但來臨此望少有不愁人

酬贈李鍊師見招

幾年司諫直承明今日求真禮上清曾犯龍鱗容不死
欲騎鶴背覓長生劉綱有婦仙同得伯道無兒累更輕
若許移家相近住便驅雞犬上層城

西河雨夜送客

雲黑雨條條江昏水闇流有風催解纜無月伴登樓酒
罷無多興帆開不少留唯看一點火遙認是行舟

登西樓憶行簡

每因樓上西南望始覺人間道路長礙日暮山青簇簇
浸天秋水白茫茫風波不見三年面書信難傳萬里腸
早晚東歸來下峽穩乘船舫過瞿唐

羅子

有女名羅子生來纔兩春我今年已長日夜二毛新顧
念嬌啼面思量老病身直應頭似雪始得見成人

讀靈徹詩

東林寺裏西廊下石片鐫題數首詩言句怪來還校別
看名知是老湯師

聽李士良琵琶

人各賦二
十八字

聲似胡兒彈舌語愁如塞月恨邊雲閒人暫聽猶眉斂
可使和蕃公主聞

昭君怨

明妃風貌最娉婷合在椒房應四星只得當年備宮掖
何曾專夜奉幃屏見踈從道迷圖畫知屈那教配虜庭
自是君恩薄如紙不須一向恨丹青

一作命甲
如紙薄

閒吟

自從苦學空門法銷盡平生種種心唯有詩魔降未得
每逢風月一閒吟

戲問山石榴

小樹山榴近砌栽半含紅萼帶花來爭知司馬夫人妬
移到庭前便不開

編集拙詩成一十五卷因題卷末戲贈元九李

二十

一篇長恨有風情十首秦吟近正聲每被老元偷格律

元九向江陵日嘗以拙
詩一軸贈行自後格變

苦教短李伏歌行李二十常自
負歌行近見

予樂府五十
首默然心伏
世間富貴應無分身後文章合有名莫怪
氣粗言語大新排十五卷詩成

湖上閒望

藤花浪拂紫茸條
菰葉風翻綠剪刀
閒弄水芳生楚思
時時合眼詠離騷

白氏長慶集卷第十六

白氏長慶集卷第十七

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩

五言七言自兩韻至五十韻凡一百首

江南謫居十韻

自哂沉冥客曾爲獻納臣
壯心徒許國薄命不如人
纔展凌雲翅俄成失水鱗
葵枯猶向日蓬斷欲辭春
澤畔長愁地天邊欲老身
蕭條殘活計冷落舊交親
草合門無徑煙消甑有塵
憂方知酒聖貧始覺錢神
虎尾難容

足羊腸易覆輪行藏與通塞一切任陶鈞

昨夜江樓上吟君數十篇詞飄朱檻底韻墜綠江前清

楚音諧律精微思入玄收將白雪麗奪盡碧雲妍寸截

金為句雙雕玉作聯八風淒間發五彩爛相宣冰扣聲

聲冷珠排字字圓文頭交比繡筋骨軟於綿頰胡孔湧切

同波浪錚鏦過管絃醴泉流出地鈞樂下從天神鬼聞

如泣魚龍聽似禪星迴疑聚散月落為留連鴈感無鳴

者猿愁亦悄然交流遷客淚停住賈人船聞被歌姬乞

潛聞思婦傳斜行題粉壁短卷寫紅箋肉味經時忘頭

風當日痊老張知定伏短李愛應顛張十八籍李二十

道屈才方振身閒業始專天教聲烜况遠切赫理合命迤

邇顧我文章劣知他氣力全功夫雖共到巧拙尚相懸

各有詩千首俱拋海一邊白頭吟處變青眼望中穿酬

荅朝妨食披尋夜廢眠老償文債負宿結字因緣每歎

陳夫子陳子昂著感興詩稱於世常嗟李謫仙賀知章謂李名高折

人爵思苦減天年李竟無官陳亦早天不得當時遇空令後代憐

相悲今若此溢浦與通川

潯陽歲晚寄元八郎中庾三十二員外

閱水年將暮燒金道未成丹砂不肖死白髮自須生病

肺慙杯滿衰顏忌鏡明春深舊鄉夢歲晚故交情一別
浮雲散雙瞻列宿榮螭抽知切頭階下立龍尾道前行封
事頻聞奏除書數見名虛懷事僚友平步取公卿漏盡
雞人報朝回幼女迎可憐白司馬老人在湓城
刺六子元九以綠絲布白輕裕以中切見寄製成衣服以
綠絲文布素輕裕珍重京華手自封貧友遠勞君寄附
病妻親為我裁縫袴花白侶秋雲薄衫色青於春草濃
欲著却休知不稱折腰無復舊形容

風當口 清明送韋侍郎貶虔州

寂寞清明日蕭條司馬家留錫徐盈切和冷粥出火煮新
茶欲別能無酒相留亦有花南遷更何處此地已天涯

九江春望

淼匹妙切茫積水非吾土飄泊浮萍自我身身外信緣為
活計眼前隨事覓交親鑪煙豈異終南色湓草寧殊渭
北春此地何妨便終老譬如元是九江人香鑪峰上多煙湓水所邊

有州因而記之

晚題東林寺雙池

向晚雙池好初晴百物新裊枝翻翠羽濺水躍紅鱗萍
汎同遊子蓮開當麗人臨流一惆悵還憶曲江春

贈內子

白髮長興歎青娥亦伴愁寒衣補燈下小女戲牀頭閣
澹屏幃故淒涼枕席秋貧中有等級猶勝嫁黔婁

送客春遊嶺南二十韻

因敘嶺南方物以諭之并擬微之送崔二十二

作之

已訝遊何遠仍嗟別太頻離容君感促贈語我殷勤迢

邇天南面蒼茫海北漣

殊倫切

訶陵國分界交趾郡為隣

翁

鳥紅切

鬱三光晦温暾

他昆切

四氣勻陰晴變寒暑昏曉

錯星辰瘴地難為老蠻貊不易馴土民稀白首洞主盡

黃巾戰艦猶驚浪戎車未息塵

時黃家賊方動

紅旗圍卉服紫

綬裏文身麵苦梳

姑黃切

榔

魯堂切

製漿酸橄欖新牙檣迎

海舶銅鼓賽江神不凍貪泉煖無霜毒艸春雲煙蟒虵

氣刀劔鱐魚鱗路足羈棲客官多謫逐臣天黃生颶

忌遇

切母

颶母如虹欲大風即見

雨黑長楓人

楓人因夜雷雨輒聞長數丈

迴使先

傳語征軒早返輪須防杯裏蠱

南方蠱毒多置酒中

莫愛橐中珍

北與南殊俗身將貨孰親嘗聞君子誠憂道不憂貧

自題

功名宿管人多許寵辱斯須自不知一旦失恩先左降

三年隨例未量移馬頭覓甬生何日石火敲光住幾時

前事是身俱若此空門不去欲何之

自悲
火宅煎熬地霜松摧折身因知羣動內易死不過人

尋郭道士不遇

郡中乞假來相訪洞裏朝元去不逢看院祇留雙白鶴
入門惟見一青松藥爐有火丹應伏雲碓無人水自春

從容

潯陽春二首

元和十二年作

春生

春生何處聞周遊海角天涯遍始休先遣和風報消息

續教啼鳥說來由展張艸色長河畔點綴花房小樹頭
若到故園應覓我爲傳淪落在江州

春來

春來觸動故鄉情忽見風光憶兩京金谷蹋花香騎入
曲江碾艸鈿車行誰家綠酒歡連夜何處紅樓睡失明
獨有不眠不醉客經春冷坐古湓城

春去

一從澤畔爲遷客兩度江頭送暮春白髮更添今日鬢
青衫不改去年身百川未有回流水一老終無却少人
四十六時三月盡送春爭得不殷勤

白集 卷十一
四十六 夢微之 二十二年八月夜不題

晨起臨風一惆悵通川溢水斷相聞不知憶我因何事
昨夜三迴夢見君

贈韋鍊師

潯陽遷客為居士身似浮雲心似灰上界女仙無嗜欲
何因相顧兩徘徊共疑過去人間世曾作誰家夫婦來

問劉十九

綠螘 語起切 新醅酒紅泥小火爐晚來天欲雪能飲一杯

無

得行簡書聞欲下峽先以此寄

朝來又得東川信欲取春初發梓州書報九江聞整喜
路經三峽想還愁瀟湘瘴霧加食飯灑瀨驚波穩泊舟
欲寄兩行迎雨淚長江不肖向西流

南湖早春

風迴雲斷雨初晴返照湖邊暖復明亂點碎紅山杏發
平鋪新綠水蘋生翅低白鴈飛仍重舌澁黃鸝語未成
不道江南春不好年年衰病減心情

元十八從事南海欲出廬山臨別舊居有戀泉

聲之什因以投和兼伸別情
賢侯辟士禮從容莫戀泉聲問所從雨露初承黃紙詔

煙霞欲別紫霄峰傷弓未息心驚鳥得水難留久臥龍
我正退藏君變化一杯可易得相逢

題韋家泉池

泉落青山出白雲縈村遶郭幾家分自從引作池中水
深淺方圓一任君

醉中對紅葉

臨風杪秋樹對酒長年人醉貌如霜葉雖紅不是春

遣懷

羲和走馭趁年光不許人間日月長遂使四時都似電
爭教兩鬢不成霜榮銷枯去無非命壯盡衰來亦是常

已共身心要約定窮通生死不驚忙

點額魚

龍門點額意何如紅尾青鬢却返初見說在天行雨苦
爲龍未必勝爲魚

聞龜兒詠詩

憐渠已解詠詩章搖膝支頤學二郎莫學二郎吟太苦
纔年四十髮如霜

對酒

未濟卦中休卜命參同契裏莫勞心無如飲此銷愁物
一餉愁消直萬金

東墻夜合樹去秋爲風雨所摧今年花時悵然
有感命然同笑莫莫公賦
碧黃紅縷今何在風雨飄將去不回惆悵去年墻下地
今春唯有薺花開

病起

病不出門無限時今朝強出與誰期經年不上江樓醉
勞動春風颺酒旗

夢亡友劉太白同遊彰敬寺

三千里外臥江州十五年前哭老劉昨夜夢中彰敬寺
死生魂魄斃同遊

與果上人歿時題此訣別兼簡二林僧社

本結菩提香火社爲嫌煩惱電泡身不須惆悵從師去
先請西方作主人

贈寫真者

子騁丹青日子當醜老時無勞役神思更畫病客儀迢
邈麒麟閣圖功未有期區區尺素上焉用寫真爲

劉十九同宿

時淮寇初破

紅旗破賊非吾事黃紙除書無我名唯共嵩陽劉處士
圍碁賭酒到天明

十二年冬江西溫暖喜元八寄金石稜到因題

此詩

今冬臘後不嚴凝暖霧溫風氣上勝山脚崦於檢中纔

有雪江流慢處亦無冰欲將何藥防春瘴只有元家金

石稜

閒意

不爭榮耀任沉淪日與時疎共道親北省朋僚音信斷

東林長老往還頻病停夜食閒如社慵擁朝裘煖似春

漸老漸諳閒氣味終身不擬作忙人

送友人上峽赴東川辟命

見說瞿塘峽斜銜灩澦根難於尋鳥路險過上龍門羊

角風頭急桃花水色渾山迴若鼇轉舟入似鯨吞巖合

愁天斷波跳恐地翻憐君經此去為感主人恩

夜送孟司功

潯陽白司馬夜送孟功曹江閣管絃急樓明燈火高湖

波翻似箭霜艸殺如刀且莫開征棹陰風正怒號

衰病

老辭遊冶尋花伴病別荒狂舊酒徒更恐五年三歲後

此此談笑亦應無

題詩屏風絕句

并序

十二年冬微之猶滯通州予亦未離滄上相去萬里不

見三年鬱鬱相念多以吟咏自解前後辱微之寄示之
什始數百篇雖藏篋中永以為好不若置之坐右如見
所思繇是掇律句中短小麗絕凡一百首題錄合為一
屏風舉目會心叅若其人在於前矣前輩作事多出偶
然則安知此屏不為好事者所傳異日作九江一故事
爾因題絕句聊以獎之

相憶采君詩作障自書自勸不辭勞障成定被人爭寫
從此南中紙價高

荅微之

微之于閩州西寺手題予詩予又以
微之百篇題此屏上各以絕句報荅

君寫我詩盈寺壁我題君句滿屏風與君相遇知何處

兩葉浮萍大海中

偶宴有懷

遇興尋文客因歡命酒徒春遊憶親故夜會似京都詩
思閒仍在鄉愁醉斃無狂來欲起舞慙見白髭鬚

山中翫江州崔使君見寄

眷盼情無恨優容禮有餘三年為部吏一半許山居酒
熟心相侍詩來手自書庾樓春好醉明月且回車

山枇杷

深山老去惜年華况對東溪野枇杷火樹風來翻降豔
瓊枝日出曬所賣紅紗回看桃李都無色映得芙蓉不

是花爭奈結根深石底無因移得到人家
聞李尚書拜相因以長句寄賀微之
憐君不久在通川知已新提造化權
夔高定求才濟世
張雷應辨氣衝天那知淪落天涯日
正是陶鈞海內年
肯向泥中拋折劔不收重鑄作龍泉

歲暮

窮陰急景坐相催壯齒韶顏去不回
舊病重因年老發
新愁多是夜長來
高明自藝緣多事
鴈默先烹爲不才
禍福細尋無會處不如且進手中杯

雨中赴劉十九二林之期及到寺劉已先去因

以四韻寄之

雲中臺殿泥中路既阻同遊懶却還將
謂獨愁猶對雨
不知多興已尋山
纔應行到千峰裏
只校來遲半日閒
最惜杜鵑花爛熳春風吹盡不同攀

薔薇正開春酒初熟因招劉十九張大夫崔二

十四同飲

甕頭竹葉經春熟階底薔薇入夏開
似火淺深紅壓架
如飴徐盈切氣味綠粘臺
試將詩句相招去
倘有風情或
可來明日早
花應更好心期同醉卯時杯

李白墓

白集 卷十七
采石江邊李白墳
遶田無限艸連雲
可憐荒壠窮泉骨
曾有驚天動地文
但是詩人多薄命
就中淪洛不過君

對酒

漫把參同契難燒
伏火砂有時成白首
無處問黃芽
幻世如泡影浮生
抵眼花唯將綠醕酒
且替紫河車

戲荅諸少年

顧我長年頭侶雪
饒君壯歲氣如雲
朱顏今日雖欺我
白髮他時不放君

風雨夜泊

苦竹林邊蘆葦叢
停舟一望思無窮
青苔撲地連香雨

白浪掀天盡日風
忽忽百年行欲半
茫茫萬事坐成空
此生飄蕩何時定
一縷鴻毛天地中

題崔使君新樓

憂人何處可銷憂
碧甃紅欄溢水頭
從此潯陽風月夜
崔公樓替庾公樓

山中戲問韋侍郎

我抱反雲志君懷濟世才
常吟棲招隱那得入山來

贈曇禪師

夢中作

五年不入慈恩寺
今日尋師始一來
欲知火宅焚燒苦
方寸如今化作灰

寄微之

帝城行樂日紛紛天畔窮愁我與君
秦女笑歌春不見
巴猿啼哭夜長聞何處琵琶絃
侶語誰家切隨髻
如雲人生多少歡娛事那獨千分無一分

醉吟二首

空王百法學未得姪女丹砂燒
卽飛事事無成身老也
醉鄉不去欲何歸

兩鬢千莖新侶雪十分一盞欲如泥
酒狂又引詩魔發
日午悲吟到日西

曉寢

轉枕重安寢回頭一欠伸
紙牕明覺曉布被煖知春
莫強疎慵性須安老大身
雞鳴猶獨睡不博早朝人

荅元八郎中楊十二博士

身覺浮雲無所著心同止水有何情
但知瀟洒疎朝市
不要崎嶇隱姓名盡日觀魚臨澗坐
有時隨鹿上山行
誰能拋得人閒事來共騰騰過此生

湖亭與行簡宿

潯陽少有風情客招宿湖亭盡却回
水檻虛涼風月好
夜深誰共阿憐來

八月十五日夜湓亭望月

管年八月十五夜曲江池畔杏林邊今年八月十五夜
溢浦沙頭水館前西北望鄉何處是東南見月幾迴圓
臨風一歎無人會今夜清光侶往年水盡欲京公尺秋

贈江客

江柳陰寒新雨地塞鴻聲急欲霜天愁君獨向沙頭宿
水遶蘆花月滿船

殘暑招客

雲截山霄斷風驅雨腳回早陰江上散殘熱日中來却
取生衣著重拈竹簟開誰能淘晚熱閒飲兩三杯

潯陽秋懷贈許明府

霜紅二林葉風白九江波暝色投煙鳥秋聲帶雨荷馬
閒無處出門冷少人過鹵莽還鄉夢依稀望闕歌共思
除醉外無計奈愁何試問陶家酒新芻得幾多

九日醉吟

有恨頭還白無情菊自黃一爲州司馬三見歲重陽劍
匣塵埃滿籠禽日月長身從漁父笑門任雀羅張問疾
因留客聽吟偶置觴歎時論倚伏懷舊數存仁奈老應
無計醫愁或有方無過學王勣唯以醉爲鄉

問韋山人山甫

身名身事兩蹉跎試就先生問若何從此神仙學得否

白鬚雖有未爲多

送蕭鍊師步虛詞十首卷後以二絕繼之

欲上瀛洲臨別時贈君十首步虛詞天仙若愛應相問
可道江州司馬詩

花紙瑤緘松墨字把將天上共誰開試呈王母如堪唱
發遣雙成更取來

贈李兵馬使

身得貳師餘氣槩家藏都尉舊詩章江南別有樓船將
燕領虬鬚不姓楊

題遣愛寺前溪村

偃亞長松樹侵臨小石溪靜將流水對高共遠峰齊翠
蓋煙籠密花幢雪壓低與僧清影坐借鶴穩枝棲筆寫
形難似琴偷韻易迷暑天風械止載械晴夜露淒淒獨
憇依爲舍閒行遶作谿棟梁君莫採留著伴幽棲

廬山草堂夜雨獨宿寄牛二李七庾二十二員外

丹霄攜手三君子白髮垂頭一病翁蘭省花時錦帳下
廬山雨夜艸菴中終身膠漆心應在半路雲泥迹不同
唯有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界官牆白粉闈曉日雞人傳漏箭

春風侍女護朝衣雪飄歌曲高難和鶴拂煙霄老慣飛
官職聲名俱入手近來詩客似君稀頃曾有贈楊詩落
句云不用更教詩
過好折君官職是聲
名今故云俱入手

三月二日懷微之

良時光景長虛擲壯氣風情已闋銷忽憶同爲校書日
每年同醉是今朝

贈韋八

辭君雖久見君初白髮驚嗟兩有餘容鬢別來今至此
心情料取合何如曾同曲水花亭醉亦共華陽竹院居
豈料天南相見夜哀猿瘴霧宿匡廬

春江閒步贈張山人

江景又妍和牽愁發浩歌晴沙金屑色春水麴塵波紅
簇交枝杏青含卷葉荷藉莎憐輒乳交切暖憇樹愛婆娑
書信朝賢斷知音野老多相逢不閒語爭奈日長何

春聽琵琶兼簡長孫司戶

四絃不似琵琶聲亂寫真珠細撼鈴指底商風悲颼悉合切
颼舌頭胡語苦醒醒如言都尉思京國侶訢明妃厭
虜庭遷客共君相勸諫春腸易斷不須聽

吳宮詞

一入吳王殿無人覩翠娥樓高時見舞宮靜夜聞歌半

露宵如雪斜迴臉，侶波妍媸各有分。誰敢妬恩多。

送韋侍御量移金州司馬

時予官獨未出

春歡雨露同，霑澤冬歎風。霜獨滿衣留，滯多時如我少。
遷移好處侶君稀，臥龍雲到須先起。蟄燕雷驚尚未飛。
莫恨東西溝水別，滄溟長短擬同歸。

自到潯陽生三女子，因詮真理用遣妄懷。

宦途本自安身拙，世累由來向老多。遠謫四年徒已矣，
晚生三女擬如何。預愁嫁娶真成患，細念因緣盡是魔。
賴學空王治苦法，須拋煩惱入頭陀。

江西裴常侍以優禮見待，又蒙贈詩，輒叙鄙誠。

用伸感謝

一從簪笏事金貂，每借溫顏故折腰。長覺身輕離泥滓，
忽驚手重捧瓊瑤。馬因回顧雖增價，桐遇知音已半焦。
他日秉鈞如見念，壯心直氣未全銷。

自江州司馬授忠州刺史，仰荷聖澤，聊書鄙誠。

炎瘴拋身遠，泥塗索脚難。網初鱗躩

普活郎達切

刺郎達切籠久

翅摧殘，雷電頒時令。陽和變歲寒，移簪承舊念。剖竹授
新官，鄉覺前程近。心隨外事寬，生還應有分。西笑問長

安

除忠州寄謝崔相公

提拔出泥知力竭吹噓生翅見情深劒鋒缺折難衝斗
桐尾燒焦豈望琴感舊兩行年老淚鼎恩一寸歲寒心
忠州好惡何須問鳥得辭籠不擇林
初授官蒙裴常侍贈鶻銜瑞艸緋袍魚袋因謝
惠貺兼紆離情
新授銅符未著緋因君裝束始光輝惠深范叔綈袍贈
榮過蘇秦佩印歸魚綴白金隨步躍鶻銜紅綬遶身飛
明朝戀別朱門淚不敢多垂恐汚衣

洪州逢熊孺登

靖安院裏辛夷下醉笑狂吟氣最麤莫問別來多少苦

苦低頭看取白髭鬚

初著刺史緋荅友人見贈

故人安慰善爲辭五十專城道未遲徒使花袍紅似火
其如蓬髮白如絲且貪薄俸君應惜不稱衰容我自知
銀印可憐將底用只堪歸舍嚇妻兒

又荅賀客

銀章暫假爲專城賀客來多懶起迎
但挂緋衫衣架上
朽株枯竹有何榮

別草堂三絕句

正聽山鳥向陽眠黃紙除書落枕前爲感君恩須暫起

爐峰不擬住多年
久眠褐被爲居士
忽挂緋袍作使君
身出草堂心不出
廬山未要勒移文

三間茅舍向山開
一帶山泉遶舍迴
山色泉聲莫惆悵
三年官滿却歸來

鍾陵餞送

翠幕紅筵高在雲
歌鍾一曲萬家聞
路人指點滕王閣
看送忠州白使君

潯陽宴別

此後忠州路上作

鞍馬軍城外
笙歌祖帳間
乘潮發湓口
帶雪別廬山
暮

景牽行色春寒散
醉顏共嗟炎瘴地
盡室得生還

戲贈戶部李巡官

好語民曹李判官
少貪公事且謀歡
男兒未死爭能料
莫作忠州刺史看

行次夏口先寄李大夫

連山斷處大江流
紅旆逶迤鎮上游
幕下翱翔秦御史
軍前奔走漢諸侯
曾陪劍履升鸞殿
欲謁旌幢入鶴樓
假着緋袍君莫笑
恩深始得向忠州

重贈李大夫

早接清班登玉陛
同承別詔直金鑾
鳳巢閣上容身穩

鶴鎖籠中展翅難
流落多年應是命
量移遠郡未成官
慙君獨不欺
憔悴猶作銀臺舊眼看

對鏡吟

閒看明鏡坐清晨
多病姿容半老身
誰論情性乖時事
自想形骸非貴人
三殿失恩宜放棄
九宮推命合漂淪
如今所得須甘分
腰珮銀龜朱兩輪

江州赴忠州至江陵以來舟中示舍弟五十韻

管作咸秦客
常思江海行
今來仍盡室
此去又專城
典

午猶爲幸
分憂固是榮
筭晡朋切 篁先清切 州乘送艤盧侯切

切 艤徒協切 驛船迎共載
皆妻子同游
卽兄弟寧辭浪蹟

遠且貴賞心并雲展
帆高挂颺馳棹迅
征泝流從漢浦
循路轉荆衡
山逐時移色
江隨地改名
風光近東
早水木向前
清夏口煙孤起
湘州雨半晴
日煎紅浪沸
月射白砂明
北渚寒留雁
南枝暖待鶯
駢朱桃露萼
點翠柳含萌
亥市魚鹽聚
神林鼓笛鳴
壺漿椒葉氣
歌曲竹枝聲
繫纜憐沙靜
垂綸愛岼平
水食紅粒稻
野茹紫花菁
甌汎茶如乳
臺粘酒似餠徐盈切 膾長抽錦纒
藕脆削瓊英
容易來千里
斯須進一程
未曾勞氣力
漸覺有心情
臥穩添春睡
行遲帶酒醒
忽愁牽世網
便欲濯塵纓
早接文場戰
曾爭翰苑盟
掉頭稱俊逸
翹足取公卿
且昧

隨時義徒輸報國誠衆排恩易失偏壓勢先傾虎尾憂
危切鴻毛性命輕燭蛾誰救活蠶繭自纏縈斂手辭雙
闕回眸望兩京長沙拋賈誼漳浦臥劉楨鷓鴣鳴還歇
蟾時占蝓長魚破又盈年光同激箭鄉思極搖旌潦倒
親知笑衰羸舊識驚烏頭因感白魚尾爲勞頽劔學將
何用丹燒竟不成孤舟萍一葉雙鬢雪千莖老見人情
盡閒思物理精如湯探冷熱侶博鬪輸羸險路應須避
迷塗莫共爭此心知止足何物要經營玉向泥中潔松
經雪後貞無妨隱朝市不必謝寰瀛但在前非悟期無
後患嬰多知非景福少語是元亨晦卽全身藥明爲僕

性兵昏昏隨世俗蠢蠢學黎甿鳥以能言繡龜緣入夢
烹知之一何晚猶足保餘生

題岳陽樓

岳陽城下水漫漫獨上危樓凭曲欄春岸綠時連夢澤
夕波紅處近長安猿攀樹立啼何苦鴈點湖飛渡亦難
此地唯堪畫圖障華堂張與貴人看

入峽次巴東

不知遠郡何時到猶喜全家此去同萬里王程三峽外
百年生計一舟中巫山暮足霑花雨隴水春多逆浪風
兩片紅旌數聲鼓使君艤艤上巴東

十年三月三十日別微之於澧上十四年三月
 十一日夜遇微之於峽中停舟夷陵三宿而
 別言不盡者以詩終之因賦七言十七韻以
 贈且欲記所遇之地與相見之時為他年會
 話張本也

澧水店頭春盡日送君上馬謫通川夷陵峽口明月夜
 此處逢君是偶然一別五年方見面相携三宿未迴船
 坐從日暮唯長歎語到天明竟未眠齒髮蹉跎將五十
 關河迢遞過三千生涯共寄滄江上鄉國俱拋白日邊
 往事渺茫都似夢舊遊零落半歸泉醉悲灑淚春盃裏

吟苦支頤曉燭前莫問龍鍾惡官職且聽清脆好詩篇

微之別來有新詩數百篇麗絕可愛別來只是成詩癖老去何曾更酒顛

各限王程須去住重開離宴貴留連黃牛渡北移征棹

白狗崖東卷別筵黃牛白狗皆峽中地名即與微之遇別之所也神女臺雲間

繚繞使君灘水急潺湲風淒暝色愁楊柳月弔宵聲哭

杜鵑萬丈赤幢潭底日一條白練峽中天君還秦地亂

炎徵我向忠州入瘴煙未死會應相見在又知何地復

何年

題峽中石上

巫女廟花紅似粉昭君村柳翠於眉誠知老去風情少

白集 卷十七
見此爭無一句詩

白氏長慶集卷第十七

白氏長慶集卷第十八

唐太子少傅刑部尚書致仕贈尚書右僕射太原

白居易樂天著

明後學松江馬元調異甫校

律詩

五言七言自兩韻至三十韻凡一百首

夜入瞿塘峽

瞿塘天下險夜上信難哉
岼似雙屏合天如匹帛開
逆風驚浪起拔笳闌船來
欲識愁多少高於灩澦堆

初到忠州贈李六

好在天涯李使君江頭相見日
黃昏吏人生硬都如鹿

市井蕭疎只抵村一隻蘭船當驛路百層石磴上州門
更無平地堪行處處虛受朱輪五馬恩

郡齋暇日憶廬山艸堂兼寄二林僧社三十韻
皆敘貶官以來出處之意

諫諍知無補遷移分所當不堪匡聖主只合事空王龍
象投新社鷓鴣失故行沈吟辭北闕誘引向西方便住
雙林寺仍開一艸堂平治行道路安置坐禪牀手板支
爲枕頭巾閣在牆先生烏几烏居士白衣裳竟歲何曾
悶終身不擬忙滅除殘夢想換盡舊心腸世界多煩惱
形神久損傷正從風鼓浪轉作日銷霜佛經云此生死無休已如風鼓

海浪又云煩惱如霜露慧日能消除吾道尋知止君恩偶未忘忽蒙頒鳳

詔兼謝剖魚章蓮靜方依水葵枯重仰陽三車猶夕會
五馬已晨裝去似尋前世來如別故鄉眉低出鷲疾儼切

嶺腳重下地岡廬山岡名漸望廬山遠彌愁峽路長香爐峯

隱隱巴字水茫茫瓢挂留庭榭經收在屋梁春拋紅藥
圃夏憶白蓮塘唯擬捐塵事將何答寵光有期追永遠

晉時永遠二法師曾居此等無政繼龔黃南國秋猶熱西齋夜斲涼
閒吟四句偈靜對一爐香身老同丘井心空是道場覓

僧爲去伴留俸作歸糧爲報山中侶憑看竹下房會應
歸去在松菊莫教荒

贈康叟

八十秦翁老不歸南賓太守乞寒衣再三憐汝非他意
天寶遺民見漸稀

鸚鵡

竟日語還默中宵棲復驚身囚緣彩翠心苦爲分明暮
起歸巢思春多憶侶聲誰能拆籠破從放快飛鳴
京使回累得南省諸公書因以長句詩寄謝蕭
五劉二元八吳十一韋大陸郎中崔二十二
牛二李七庾三十一李六李十楊三樊大楊
十二員外

雪壓泥埋未死身每勞存問媿交親浮萍漂泊三千里
列宿參差十五人禁月落時君待漏畬煙深處我行春
瘴鄉得老猶爲幸豈敢傷嗟白髮新

東城春意

風軟

乳苑切

雲不動郡城東北隅晚來春澹澹天氣似京

都絃管隨宜有杯觴不道無其如親故遠無可共歡娛

木蓮樹生巴峽山谷閒巴民亦呼爲黃心樹大

者高五丈涉冬不凋身如青楊有白文葉如

桂厚大無脊花如蓮香色艷膩皆同獨房蕊

有異四月初始開自開迨謝僅二十日忠州

西北十里有鳴玉谿生者穠茂惜其遐僻因
題三絕句云

如折芙蓉栽旱地似拋芍藥挂高枝雲埋水隔無人識
唯有南賓太守知

紅似胭脂膩如粉傷心好物不須與山中風起無時節
明日重來得在無

已愁花落荒巖底復恨根生亂石間幾度欲移移不得
天教拋擲在深山

種桃杏

無論海角與天涯大抵心安卽是家路遠誰能念鄉曲

年深兼欲忘京華忠州且作三年計種杏栽桃擬待花
新秋

二毛生鏡日一葉落庭時老去爭由我愁來欲泥誰空
銷閒歲月不見舊親知唯弄扶牀女時時強展眉

龍昌寺荷池

冷碧新秋水殘紅半破蓮從來寥落意不似此池邊

聽竹枝贈李侍御

巴童巫女竹枝歌懊惱何人怨咽多
暫聽遣君猶悵望長聞教我復如何

寄胡餅與楊萬州

羽麻餅樣學京都
麩脆油香新出爐
寄與飢饒楊大使
嘗看得似輔興無

感櫻桃花因招飲客

櫻桃昨夜開如雪
鬢髮今年白似霜
漸覺花前成老醜
何曾酒後更顛狂
誰能聞此來相勸
共泥春風醉一場

東亭閒望

東亭盡日坐誰伴
寂寥身綠桂爲佳客
紅蕉當美人笑
言雖不接情狀似相親
不作悠悠想如何
度晚春

畫木蓮花圖寄元郎中

花房膩似紅蓮朶
艷色鮮如紫牡丹
唯有詩人能解愛

丹青寫出與君看

和李澧州題韋開州經藏詩

旣悟蓮花藏須遺
貝葉書菩提無處所
文字本空虛
觀指非知月忘筌
是得魚聞君登彼岸
捨筏復何如

九日題塗谿

蕃艸席鋪楓葉岬
竹枝歌送菊花杯
明年尚作南賓守
或可重陽更一來

即事寄微之

畚田澁米不耕鋤
旱地荒園少菜蔬
想念土風今若此
料看生計合何如
衣縫紕篇夷類力遂切黃絲絹飯下腥

白集 卷一 五
鹹白小魚飽暖饑寒何足道此身長短是空虛

會田 題郡中荔枝詩十八韻兼寄楊萬州八使君

奇果標南土芳林對北堂素華春漠漠丹實夏煌煌葉
捧低垂戶枝擎重壓牆始因風弄色漸與日爭光夕訝
條懸火朝驚棘點粧深於紅躑躅大校白檳榔星綴連
心朶珠排耀眼房紫羅裁襯殼白玉裹填齏女良切早歲
曾聞說今朝始摘嘗嚼疑天上味嗅異世間香潤勝蓮
生水鮮逾橘得霜臙脂掌中顆甘露舌頭漿物少猶珍
重天高苦渺茫已教生暑月又使阻遐方粹液靈難駐
妍姿嫩易傷近南光景熱向北道途長不得充王賦無

由寄帝鄉唯君堪擲贈面白侶潘郎

留北客

峽外相逢遠樽前一會難即須分手別且強展眉歡楚
袖蕭條舞已絃趣數彈笙歌隨分有莫作帝鄉看

重寄荔枝與楊使君時聞楊使君欲種植故有

落句戲之

摘來正帶凌晨露寄去須憑下水船映我緋衫渾不見
對公銀印最相鮮香連翠葉真堪畫紅透青籠實可憐
聞道萬州方欲種愁君得喫是何年

和萬州楊使君四絕句

競渡

競渡相傳爲汨羅不能止
遏意無他自經放逐來憔悴
能投靈均死幾多

江邊艸

聞君澤畔傷春艸憶在天門街裏時
漠漠淒淒愁滿眼就中惆悵是江蘼

喜慶李

東都綠李萬州裁君手封題我手開
把得欲嘗先悵望與渠同別故鄉來

白槿花

秋薜試切晚英無艷色何因栽種在人家
使君自別羅敷面爭解回頭愛白花

望郡南山寄行簡

臨江一嶂白雲間紅綠層層錦繡斑
不作巴南天外意何如昭應望驪山

和行簡望郡南山

反照前山雲樹明從君苦道似華清
試聽腸斷巴猿叫早晚驪山有此聲

種荔枝

紅顆珍珠誠可愛白鬚太守亦何癡
十年結子知誰在

自向庭前種荔枝

陰雨

嵐

盧含切

霧今朝重江山此地深灘聲秋更急峽氣曉多陰望闕雲遮眼思鄉雨滴心將何慰幽獨賴此北窓琴

送客歸京

水陸四千里何時歸到秦舟辭三峽雨馬入九衢塵有酒留行客無書寄貴人唯憑遠傳語好在曲江春

送處士遊黔南

能文好飲老蕭郎身侶浮雲鬢侶霜生計拋來詩是業家園忘却酒為鄉江從巴峽初成字猿過巫陽始斷腸

不醉黔中卒去得磨圍山月正蒼蒼

東樓醉

天涯深峽無人地歲暮窮陰欲夜天不向東樓時一醉如何擬過二三年

寄微之

時微之為虢州司馬

高天默默物茫茫各有來由致損傷鸚為能言長剪翅龜緣難死久措音而切林莫嫌冷落拋閒地猶勝炎蒸臥瘴鄉外物竟關身低事謾排門戟繫腰章

東樓招客夜飲

莫辭數數醉東樓除醉無因破得愁唯有綠樽紅燭下

白集 卷一
斲時不似在忠州

醉後戲題

自知清冷似冬凌
每被人呼作律僧
今夜醉醺羅綺煖
被君融盡玉壺冰

高天樓冬至夜

老去襟懷常濩落
病來鬚髮轉蒼浪
心灰不及爐中火
鬢雪多於砌下霜
三峽南賓城最遠
一年冬至夜偏長
今宵始覺房櫳冷
坐索寒衣託孟光

竹枝詞四首

瞿塘峽口水煙低
白帝城頭月向西
唱到竹枝聲咽處

寒猿閩鳥一時啼

竹枝苦怨怨何人
夜靜山空歌又聞
蠻兒巴女齊聲唱
愁殺江南病使君

巴東船舫上巴西
波面風生雨脚齊
水蓼冷花紅簇簇
江蘼溼葉碧淒淒

江畔誰人唱竹枝
前聲斷咽後聲遲
怪來調苦緣詞苦
多是通州司馬詩

同武關蕭巖中丞晚眺黔江見寄

江水三迴曲
愁人兩地情
磨圍山川色
明月峽中聲
晚後連天碧
秋來徹底清
臨流有新恨
照見白鬚生

寄揚萬州四望樓
江上新樓名四望
東西南北水茫茫
無由得與君攜手
同凭欄干一望鄉

荅楊使君登樓見憶

忠萬樓中南北望
南州煙水北州雲
兩州何事偏相憶
各是籠禽作使君

除夜

歲暮紛多思
天涯渺未歸
老添新甲子
病減舊容輝
鄉國仍留念
功名已息機
明朝四十九
應轉悟前非

聞雷

瘴地風霜早
溫天氣候催
窮冬不見雪
正月已聞雷
震蟄蟲蛇出
驚枯艸木開
空餘客方寸
依舊侶寒灰

春至

若爲南國春
還至爭向東
樓日又長
白片落梅浮澗水
黃梢新柳出城墻
閒拈蕉葉題詩詠
悶取藤枝引酒嘗
樂事漸無身漸老
從今始擬負風光

感春

巫峽中心郡
巴城四面春
艸青臨水地
頭白見花人
憂喜皆心火
榮枯是眼塵
除非一盃酒
何物更關身

春江

炎涼昏曉苦推遷不覺忠州已二年閉閣只聽朝暮鼓
上樓空望往來船鶯聲誘引來花下草色勾留坐水邊
唯有春江看未厭縈砂遶石綠潺湲

題東樓前李使君所種櫻桃花

身入青雲無見日手栽紅樹又逢春唯留花向樓前看
故故拋愁與後人

巴水

城下巴江水春來似麴塵軟砂如渭曲斜岸憶天津影
黯新黃柳香浮小白蘋臨流搔首坐惆悵爲何人

野行

草潤衫襟重沙乾屐齒輕仰頭聽鳥立信脚望花行暇
日無公事衰年有道情浮生短於夢夢裏莫營營

送高侍御使迴因寄楊八

明月峽邊逢制使黃茆岸上是忠州到城莫說忠州惡
無益虛教楊八愁

奉酬李相公見示絕句

時初聞國哀

碧油幢下捧新詩榮賤雖殊共一悲涕淚滿襟君莫怪
甘泉侍從最多時

喜山石榴花開

去年自廬山移來

忠州州裏今日花廬山山頭去年樹已憐根損斬新栽

還喜花開依舊數赤玉何人少琴軫紅纈胡結切誰家合
羅袴但知爛熳恣情開莫怕南賓桃李妬

戲贈蕭處士清禪師

三杯嵬我忘機客百納頭陀任運僧又有放慵巴郡守
不營一事共騰騰

錢虢州以三堂絕句見寄因以本韻和之

同事空王歲月深相思遠寄定中吟遙知清淨中和化
祇用金剛三昧心

余早歲與錢君同習
讀金剛三昧經故云

三月三日

暮春風景初三日流世光陰半百年欲作閒遊無好伴

半江惆悵却回船

寒食夜

四十九年身老日一百五夜月明天抱膝思量何事在
癡男駮女喚鞦韆

代州民間

龍昌寺底開山路巴子臺前種柳林官職家鄉都忘却
誰人會得使君心

荅州民

宦情抖擻隨塵去鄉思磨銷逐日無唯擬騰騰作閒事
遮渠不道使君愚

荔枝樓對酒

荔枝新熟雞冠色燒酒初開琥珀香欲摘一枝傾一盞
西樓無客共誰嘗

房家夜宴喜雪戲贈主人

風頭向夜利如刀賴此溫爐軟錦袍桑落氣熏珠翠暖
柘枝聲引管絃高酒鉤送盞推蓮子燭淚粘盤壘蒲萄
不醉遣儂爭散得門前雪片似鵝毛

醉後贈人

香毬趁拍迴環切花盞拋巡取次飛自入春來不
同醉那能夜去獨先歸

初除尚書郎脫刺史緋

親賓相賀問何如服色恩光盡反初頭白喜拋黃草峽
眼明驚拆紫泥書便留朱紱還鈴閣却著青袍侍玉除
無奈嬌癡三歲女繞腰啼哭覓金魚

留題開元寺上方

東寺臺閣好上方風景清數來猶未厭長別豈無情戀
水多臨坐辭花剩繞行最憐新斫柳手種未全成

別種東坡花樹兩絕

三年留滯在江城艸樹禽魚盡有情何處殷勤重回首
東坡桃李種新成

花林好住莫顛顛春至但知依舊春樓上明年新太守
不妨還是愛花人

別橋上竹

穿橋迸竹不依行恐礙行人被損傷我去自慙遺愛少
不教君得侶其棠

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今愁
忽見千花塔因停一葉舟畏途常迫促靜境暫淹留巴
曲春全盡巫陽兩半收北歸雖引領南望亦迴頭管去
悲殊俗今來念舊遊別僧山北寺拋竹水西樓郡樹花

如雪軍厨酒似油時時大開口自笑憶忠州

棣華驛見楊八題夢兄弟詩

遙聞旅宿夢兄弟應爲郵亭名棣華名作棣華來早晚
自題詩後屬楊家

商山路有感

萬里路長在六年身始歸所經多舊館大半主人非

商山路驛桐樹管與微之前後題名處

與君前後多遷謫五度經過此路隅笑問中庭老桐樹
這迴歸去免來無

惻惻吟

惻惻復惻惻逐臣返鄉國前事難重論少年不再得泥
塗絳老頭班白炎瘴靈均回黎黑六年不死却歸來道
著姓名人不識

德宗皇帝挽歌詞四首

執象宗玄祖貽謀啓孝孫文高栢梁殿禮薄灞陵原京
仗辭天闕朝儀出國門生成不可報二十七年恩
虞帝南巡後殷宗諒闇中初辭鑄鼎地已閉望仙宮曉
落當陵月秋生滿旆風前星承帝座不使北辰空
業大承宗祖功成付子孫睿文詩播樂遺訓史標言節
表中和德方垂廣利恩懸知千載後理代數貞元

夢減三齡壽哀延七月期寢園愁望遠宮仗哭行遲雲
日添寒慘笳蕭向晚悲因山有遺詔如葬漢文時

昭德王后挽歌詞

仙去逍遙境詔留窈窕章春歸金屋少夜入壽宮長鳳
引曾辭輦蠶休昔採桑陰靈何處感沙麓月無光

太平樂詞二首

已下七首在翰林
林時奉敕撰進

歲豐仍節儉時泰更銷兵聖念長如此何憂不太平
湛露浮堯酒薰風起舜歌願同堯舜意所樂在人和

小曲新詞二首

霽色鮮宮殿秋聲脆管絃聖明千歲樂歲歲但今年

紅裙明月夜碧簟阜秋時好向昭陽宿天涼玉漏遲
閨怨詞二首

朝憎鶯百轉夜妬燕雙棲不慣經春別唯知到曉啼
珠箔籠寒月紗牕背曉燈夜來巾上淚一半是春冰
關山征戍遠閨閤別離難苦戰應顛顛寒衣不要寬

殘春曲

禁中口號

禁苑殘鶯三四聲景遲風慢暮春情日西無事墻陰下
閒蹋宮花獨自行

長安春

青門柳枝軟無力東風吹作黃金色街東酒薄醉易醒

滿眼春愁消不得

長樂坡送人賦得愁字

行人南北分征路流水東西接御溝終日坡前恨離別
謾名長樂是長愁

獨眠吟二首

夜長無睡起階前寥落星河欲曙天十五年來明月夜
何曾一夜不孤眠

獨眠客夜夜可憐長寂寂就中今夜最愁人涼月清風
滿牀席

期不至

紅燭青樽久延佇出門入門天欲曙星稀月落竟不來
煙柳朧朧鵲飛去

長洲苑

春入長洲艸又生鷓鴣飛起少人行年深不辨娃宮處
夜夜蘇臺空月明

憶江柳

曾栽楊柳江南岸一別江南兩度春遙憶青青江岸上
不知攀折是何人

南浦別

南浦淒淒別西風嫋嫋秋一看腸一斷好去莫回頭

三年別

悠悠一別已三年相望相思明月天腸斷青天望明月
別來三十六回圓

傷春詞

深淺簷花十萬枝碧紗牕外轉黃鸝殘粧含淚下簾坐
盡日傷春春不知

後宮詞

淚濕羅巾夢不成夜深前殿按歌聲紅顏未老恩先斷
斜倚薰籠坐到明

白氏長慶集卷第十八

白氏長慶集卷第十九

唐太子少傅刑部尚書致仕贈尚書右僕射太原

白居易樂天著

明後學松江馬元調異甫校

律詩

五言七言自兩韻至四十韻凡一百首

吟元郎中白鬚詩兼飲雪水茶因題壁上

吟詠霜毛句閒嘗雪水茶城中展眉處只是有元家

吳七郎中山人待制班中偶贈絕句

金馬東門隻日開漢庭待詔重仙才第三松樹非華表

那得遼東鶴下來

白集 卷之六
和張十八祕書謝裴相公寄馬

齒齊臙

甲遙切肥也或作臙

足毛頭臙祕閣張郎叱撥駒洗了領

花翻假錦走時蹄汗蹋真珠青衫昨見曾驚否紅粟難賒得飽無丞相寄來應有意遣君騎去上雲衢

答山侶

領下髭鬚半是絲光陰向後幾多時非無解挂簪纓意未有支持伏臘資冒熱衝寒徒自取隨行逐隊欲何爲更慙山侶頻傳語五十歸來道未遲

早朝思退居

霜嚴月苦欲明天忽憶閒居思浩然自問寒燈夜半起

何如暖被日高眠唯慙老病披朝服莫慮饑寒計俸錢隨有隨無且歸去擬求豐足是何年

曲江亭晚望

曲江岸北凭欄干水面陰生日脚殘塵路行多綠袍故風亭立久白鬚寒詩成闔著閒心記山好遙偷病眼看不被馬前提省印何人信道是郎官

初除主客郎中知制誥與王十一李七元九三

舍人中書同宿話舊感懷

閒宵靜語喜還悲聚散窮通不自知已分雲泥行異路忽驚雞鶴宿同枝紫垣曹署榮華地白髮郎官老醜時

莫怪不如君氣味此中來校十年遲

西省對花憶忠州東坡新花樹因寄題東樓

每看闕下丹青樹不忘天邊錦繡林西掖垣中今日眼
南賓樓上去年心花含春意無分別物感人情有淺深
最憶東坡紅爛熳野桃山杏水林檎

寄題忠州小樓桃花

再遊巫峽知何日摠是秦人說向誰長憶小樓風月夜
紅欄干外兩三枝

中書連直寒食不歸因憶元九

去歲清明日南巴古郡樓今年寒食夜西省鳳池頭併

上新人直難隨舊伴遊誠知視草貴未免對花愁鬢髮
萋萋白光陰寸寸流經春不同宿何異在忠州

春憶二林寺舊遊因寄郎滿晦三上人

一別東林三度春每春常似憶親情頭陀會裏爲逋客
供奉班中作老臣清淨久辭香火伴塵勞難索幻泡身
最慙僧社題橋處十八人名空一人

和元少尹新授官

官穩身應泰春風信馬行縱忙無苦事雖病有心情厚
祿兒孫飽前驅道路榮花時八人直無暇賀元兄

朝迴和元少尹絕句

朝客朝回回望好盡紆朱紫佩金銀此時獨與君爲伴
馬上青袍唯兩人

重和元少尹

鳳閣舍人京亞尹白頭俱未著緋衫南宮起請無消息
朝散何時得入衙

中書夜直夢忠州

閣下燈前夢巴南城裏遊覓花來渡口尋寺下山頭江
色分明綠猿聲依舊愁禁鐘驚睡覺唯不上東樓

醉後

酒後高歌且放狂門前閒事莫思量猶嫌小戶長先醒

不得多時住醉鄉

待漏入閣書事奉贈元九學士閣老

衙排宣政仗門啓紫宸關彩筆停書命花甌趣立班稀
星點銀礫殘月墮金環聞漏猶傳水明河漸下山從東
分地色向北仰天顏碧縷爐煙直紅垂珮尾閒綸闈慙
並入翰苑忝先攀笑我青袍故饒君茜倉見切染紅草也綬殷
詩仙歸洞裏酒病滯人間好去鴛鴦侶冲天便不還

晚春重到集賢院

官曹清切非人境風日鮮明是洞天滿砌荆花鋪紫毯
吐敢隔墻榆莢撒青錢前時謫去三千里此地辭來十

四年虛薄至今慙舊職院名擡舉號爲賢

紫薇花

絲綸閣下文書靜鐘鼓樓中刻漏長獨坐黃昏誰是伴
紫薇花對紫薇郎

後宮詞

雨露由來一點恩爭能遍布及千門三千宮女胭脂面
幾箇春來無淚痕

卜居

遊宦京都二十春貧中無處可安貧長羨蝸牛猶有舍
不如碩鼠解藏身且求容立錐頭地免似漂流木偶人

但道吾廬心便足敢辭湫隘與囂塵

題新居寄元八

青龍岡北近西邊移入新居便泰然冷巷閉門無客到
煖簷移榻向陽眠階墀寬窄纔容足墻壁高低粗及肩
莫羨昇平元八宅自思買用幾多錢

登龍尾道南望憶廬山舊隱

龍尾道邊來一望香爐峯下去無因青山舉眼三千里
白髮平頭五十人自笑形骸紆組綬將何言語掌絲綸
君恩壯健猶難報况被年年老逼身

馮閣老處見與嚴郎中酬和詩因戲贈絕句

乍來天上宜清淨不用回頭望故山縱有舊遊君莫憶
塵心起卽墮人間

白髮平見于給事暇日上直寄南省諸郎官詩因以戲
贈

倚作天仙弄地仙誇張一日抵千年黃麻較勝長生籙
白紵詞嫌內景篇雲彩誤居青瑣地風流合在紫微天
東曹漸去西垣近鶴駕無妨更著鞭

題新昌所居

宅小人煩惱泥深馬鈍頑街東閒處住日午熱時還院
窄難栽竹墻高不見山唯應方寸內此地覺寬閒

西省北院新構小亭種竹開窓東過騎省與李
常侍隔窓小飲各題四韻

結託白鬚伴因依青竹叢題詩新壁上過酒小窓中深
院晚無日虛簷涼有風金貂醉看好回面紫垣東
酬元郎中同制加朝散大夫書懷見贈

命服雖同黃紙上官班不共紫垣前青衫脫早差三日
白髮生遲校九年曩者定交非勢利老來同病是詩篇
終身擬作臥雲伴逐月須收燒藥錢五品足爲婚嫁主
緋袍著了好歸田

初著緋戲贈元九

晚遇緣才拙先衰被病牽那知垂白日始是著緋年身
外名徒爾人閒事偶然我朱君紫綬猶未得差肩

和韓侍郎苦雨

潤氣凝柱礎繁聲注瓦溝闔留窓不曉涼引簟先秋葉
濕蟄應病泥稀燕亦愁仍聞放朝夜誤出到街頭

連雨

風雨閨蕭蕭雞鳴暮復朝碎聲籠苦竹冷翠落芭蕉水
鳥投簷宿泥蛙入戶跳仍聞蕃客見明日欲追潮

初加朝散大夫又轉上柱國

紫微今日煙霄地赤嶺前年泥土身得水魚還動鱗鬣

乘軒鶴亦長精神且慙身忝官階貴未敢家嫌活計貧
柱國勲成私自問有何功德及生人

行簡初授拾遺同早朝入閣因示十二韻

夜色尚蒼蒼槐陰夾路長聽鐘出長樂傳鼓到新昌宿
雨沙隄潤秋風樺胡卦切燭香馬驕欺地軟人健得天涼

待漏排闥闔停珂擁建章爾隨黃閣老吾次紫薇郎並
入連稱籍齊趨對折方鬪班花接萼綽立鴈分行近職
誠爲美微才豈合當綸言難下筆諫紙易盈箱老去何
僥倖時來不料量唯求殺身地相誓答恩光

立秋日登樂遊園

白集 卷之九
獨行獨語曲江頭回馬遲遲上樂遊蕭颯涼風與衰鬢
誰教同會一時秋却來尋得此休休

始識美新秋早起有懷元少尹
華賸餘長是盈餘未去可

秋來轉覺此身衰晨起臨階盥漱時
漆匣鏡明頭盡白銅餅水冷齒先知
光陰縱惜難留住官職雖多得已遲
老去相逢無別計強開笑口展愁眉
以彈入對對天京

夜筇

紫袖紅絃明月中自彈自感聞低容絃凝指咽聲停處

別有深情一萬重

兼神醫 妻初授邑號告身

弘農舊縣授新封鈿軸金泥誥一通
我轉官階常自愧君加邑號有何功
花牋印了排窠濕錦標裝來耀手紅
倚得身名便慵墮日高猶睡綠窓中

送客南遷

我說南中事君應不願聽曾經身困苦
不覺語丁寧燒處愁雲夢波時憶洞庭
春畚煙勃勃秋瘴露冥冥蚊蚋經冬活
魚龍欲雨腥水蟲能射影山鬼解藏形
穴掉巴蛇尾林飄鷓鴣鳥翎颶風千里黑
蕤徐廉切山菜也草四時青客似驚弦
鴈舟如委浪萍誰人勸言笑何計慰漂零
慎勿琴離膝長須酒滿瓶大都從此去
宜醉不宜醒

不覺百年半何曾一日閒朝隨燭影出暮趁鼓聲還甕裏非無酒墻頭亦有山歸來常困臥早晚得開顏

寄遠

欲忘忘未得欲去去無由兩腋不生翅二毛空滿頭坐看新落葉行上最高樓暝色無邊際茫茫盡眼愁

舊房

遠壁秋聲蟲絡絲入簷新影月低眉牀帷半故簾旌斷仍是初寒欲夜時

錢侍郎使君以題廬山草堂詩見寄因酬之

殷勤江郡守悵望掖垣郎慙見新瓊什思歸舊草堂事隨心未得名與道相妨若不休官去人閒到老忙

寄山僧

時年五十一

眼看過半百早晚掃巖扉白首誰留住青山自不歸百千萬劫障四十九年非會擬抽身去當風抖擻衣

慈恩寺有感

時杓直初逝居敬方病

自問有何惆悵事寺門臨入却遲迴李家哭泣元家病柿葉紅時獨自來

酬嚴十八郎中見示

口厭含香握厭蘭紫薇青瑣舉頭看忽驚鬢後蒼浪髮

未得心中本分官
夜酌滿容花色暖
秋唸切骨玉聲寒
承明長短君應入
莫憶家江七里灘

寄王祕書

霜菊花萎日風梧
葉碎時怪來秋思
苦緣詠祕書詩

中書寓直

繚繞官墻圍禁林
半開閶闔曉沉沉
天晴更覺南山近
月出方知西掖深
病對詞頭慙彩筆
老看鏡面愧華簪
自嫌野物將何用
土木形骸麋鹿心

自問

黑花滿眼絲滿頭
早衰因病病因愁
宦途氣味已諳盡

五十二休何日休

曲江獨行招張十八

曲江新歲後冰與水相和
南岸猶殘雪東風未有波
偶遊身獨自相憶意如何
莫待春深去花時鞍馬多

新居早春二首

靜巷無來客深居不出門
鋪沙蓋苔面掃雪擁松根
漸暖宜閒步初晴愛小園
覓花都未有唯覺樹枝繁
地潤東風暖閒行蹋草芽
呼童遣移竹留客伴嘗茶
露滴簷冰盡塵浮隙日斜
新居未曾到隣里是誰家

新昌新居書事四十韻因寄元郎中張博士

自集 卷六
膏寵已三遷歸朝始二年囊中貯餘俸園外買閒田狐
兔同三逕蒿萊共一壥新園聊刻穢舊屋且扶顛簷漏
移傾瓦梁欹換蠹椽平治遶臺路整頓近階甃巷狹開
容駕墻低壘過肩門間堪駐蓋堂室可鋪筵丹鳳樓當
後青龍寺在前市街塵不到宮樹影相連省吏嫌坊遠
豪家笑地偏敢勞賓客訪或望子孫傳不覓他人愛唯
將自性便等閒栽樹木隨分占風煙逸致因心得幽期
遇境牽松聲疑澗底草色勝河邊虛潤冰銷地晴和日
出天苔行滑如簞莎坐軟於絲簾每當山卷帷多待月
褰籬東花掩映窓北竹嬋娟迹慕青門隱名慙紫禁仙

假歸思晚沐朝去戀春眠拙薄才無取疎慵職不專題
墻書命筆沾酒率分錢栢杵春靈藥銅瓶漱暖泉爐香
穿蓋散籠燭隔紗然陳室何曾掃陶琴不要絃屏除俗
事盡養活道情全尚有妻孥累猶爲組綬纏終須拋爵
祿漸擬斷腥羶大抵宗莊叟私心事竺乾浮榮水割字
真諦火生蓮梵部經十二玄書字五千是非都付夢語
默不妨禪博士官猶冷郎中病已痊多同僻處住久結
靜中緣緩步攜筇杖徐吟展蜀箋老宜閒語話悶憶好
書篇蠻榼來方瀉蒙茶到始煎無辭數相見鬢髮各蒼
然

喜海中文集附示
卷六
七

喜敏中及第偶示所懷

自知羣從爲儒少豈料詞場中第頻
桂折一枝先許我
楊穿三葉盡驚人
始予進士及第行簡
次之敏中又次之
轉於文墨須留
意貴向煙霄早致身
莫學爾兄年五十
蹉跎始得掌絲
綸

久不見韓侍郎戲題四韻以寄之

近來韓閣老疎我我心知
戶大嫌甜酒才高笑小詩
靜吟乘月夜閒醉曠花時
還有愁同處春風滿鬢絲

寄白頭陀

近見頭陀伴云師老更慵
性靈閒似鶴顏狀古於松山

裏猶難覓人間豈易逢
仍聞移住處太白最高峯

和韓侍郎題楊舍人林池見寄

渠水闌流春凍解風吹日炙不成凝
鳳池冷暖君諳在
二月因何更有冰

勤政樓西老柳

半朽臨風樹多情立馬人
開元一株柳長慶二年春

偶題閣下廳

靜愛青苔院深宜白髮翁
貌將松共瘦心與竹俱空
暖有低簷日春多颺幕風
平生閒境界盡在五言中

予與故刑部李侍郎早結道友以藥術爲事與

故京兆元尹晚爲詩侶有林泉之期周歲之
閒二君長逝李住曲江北元居昇平西追感
舊遊因貽同志

從哭李來傷道氣自亡元後減詩情金丹同學都無益
水竹隣居竟不成月夜若爲遊曲水花時那忍到昇平
如年七十身猶在但恐傷心無處行

送馬舍人閣老往襄陽

紫微閣底送君回第二廳簾下不開莫戀漢南風景好
峴山花盡早歸來

莫走柳條詞送別

南陌傷心別東風滿把春莫欺楊柳弱勸酒勝於人

酬韓侍郎張博士雨後遊曲江見寄

小園新種紅櫻樹閒遶花枝便當遊何必更隨鞍馬隊
衝泥蹋雨曲江頭

元家花

今日元家宅櫻桃發幾枝稀稠與顏色一似去年時失
却東園主春風可得知

代人贈王員外

好在王員外平生記得不共賒黃叟酒同上莫愁樓靜
接殷勤語狂隨爛熳遊那知今日眼相見冷於秋

惜小園花

曉來紅萼凋零盡但見空枝四五株前日狂風昨夜雨
殘芳更合得存無

蕭相公宅遇自遠禪師有感而贈

宦途堪笑不勝悲昨日榮華今日衰轉似秋蓬無定處
長於春夢幾多時半頭白髮慙蕭相滿面紅塵問遠師
應是世閒緣未盡欲拋官去尚遲疑

草詞畢遇芍藥初開因詠小詩紅藥當堦翻詩
以為一句未盡其狀偶成十六韻

罷草紫泥詔起吟紅藥詩詞頭封送後花口拆開時坐

對鉤簾久行觀步履遲兩三叢爛熳十二葉參差背日
房微斂當階朶旋敬釵葶抽碧股粉藥撲黃絲動蕩情
無限低斜力不支周迴看未足比諭語難為勾漏丹砂
裏焦僥火焰旗彤雲騰根蒂絳幘欠纓綉况有晴風度
仍兼宿露垂凝香熏菴畫似淚著胭脂有意留連我無
言怨思誰應愁明日落如恨隔年期苗苗泥連萼玳音梅
瑰音回刺繞枝等量無勝者唯眼與心知

喜張十八博士除水部員外郎

老何歿後吟聲絕雖有郎官不愛詩無復篇章傳道路
空留風月在曹司長嗟博士官猶屈亦恐騷人道漸衰

今日聞君除水部喜於身得省郎時

與沈楊二舍人閣老同食敕賜櫻桃翫物感恩

因成十四韻

清曉趨丹禁紅櫻降紫宸驅禽養得熟和葉摘來新圓
轉盤傾玉鮮明籠透銀內園題兩字西掖賜三臣焚惑
晶華赤醞醕氣味真如珠未穿孔似火不燒入杏俗難
爲對桃頑詎可倫肉嫌盧橘厚皮笑荔枝皴瓊液酸甜
足金丸大小勻偷須防曼倩惜莫擲安仁手擘纔離核
匙抄半是津甘爲舌上露煖作腹中春已懼長尸祿仍
驚數食珍最慙恩未報飽餒不才身

送嚴大夫赴桂州

地壓坤方重官兼憲府雄桂林無瘴氣栢署有清風山
水衙門外旌旗艤音婁中大夫應絕席詩酒與誰同

春夜宿直

三月十四夜西垣東北廊碧梧葉重疊紅藥樹低昂月

砌漏幽影風簾飄閣香禁中無宿客誰伴紫薇郎

夏夜宿直

人少庭宇曠夜涼風露清槐花滿院氣松子落堦聲寂
寞挑燈坐沉吟蹋月行年衰自無趣不是厭承明

七言十二句贈駕部吳郎中七兄

時早夏朝歸
閉齋獨處偶

白集 卷之六 什題此

四月天氣和且清綠槐陰合沙堤平獨騎善馬銜蹬穩
初著單衣肢體輕退朝下直少徒侶歸舍閉門無送迎
風生竹夜窓閒臥月照松時臺上行春酒冷嘗三數盞
曉琴閒弄十餘聲幽懷靜境何人別唯有南宮老駕兄
玉真張觀主下小女冠阿容

綽約小天仙生來十六年姑山半峯雪瑤水一枝蓮晚
院花留立春窓月伴眠迴眸雖欲語阿母在傍邊

龍花寺主家小尼

郭代公愛姬薛氏幼嘗為尼小名仙人子

頭青眉眼細十四女沙彌夜靜雙林怕春深一食飢步

慵行道困起晚誦經遲應似仙人子花宮未嫁時

訪陳二

曉垂朱綬帶晚著白綸巾出去為朝客歸來是野人兩
飡聊過日一榻足容身此外皆閒事時時訪老陳

晚庭逐涼

送客出門後移牀下砌初趁涼行繞竹引睡臥看書老
更為官拙慵多向事疎松窓倚藤杖人道似僧居

曲江憶李十一

李君歿後共誰遊柳岸荷亭兩度秋獨遶曲江行一匝
依前還立水邊愁

白集 卷九
江亭翫春

江亭乘曉閱衆芳春妍景麗草樹光日消石柱綠嵐氣
風墜木蘭紅露漿水蒲漸展書帶葉山榴半含琴軫房
何物春風吹不變愁人依舊鬢蒼蒼

聞夜砧

誰家思婦秋擣帛月苦風淒砧杵悲八月九月正長夜
千聲萬聲無了時應到天明頭盡白一聲添得一莖絲

板橋路

梁苑城西二十里一渠春水柳千條若爲此路今重過
十五年前舊板橋曾共玉顏橋上別不知消息到今朝

青門柳

青青一樹傷心色曾入幾人離恨中爲近都門多送別
長條折盡減春風

梨園弟子

白頭垂淚語梨園五十年前雨露恩莫問華清今日事
滿山紅葉鎖宮門

暮江吟

一道殘陽鋪水中半江瑟瑟半江紅可憐九月初三夜
露似真珠月似弓

春風思婦眉

春風搖蕩自東來折盡櫻桃綻盡梅
惟餘思婦愁眉結無限春風吹不開

怨詞

奪寵心那慣尋思倚殿門不知移舊愛何處作新恩

空閨怨

寒月沉沉洞房靜真珠簾外梧桐影
秋霜欲下手先知燈底裁縫剪刀冷

秋房夜

雲露青天月漏光中庭立久却歸房
水窓席冷未能臥挑盡殘燈秋夜長

採蓮曲

菱葉縈波荷颭風荷花深處小船通
逢郎欲語低頭笑碧玉搔頭落水中

隣女

娉婷十五勝天仙白日姮胡登切娥
旱地蓮何處閒教鸚鵡語碧紗窓下繡牀前

閨婦

斜凭繡牀愁不動紅綃帶緩綠鬟低
遼陽春盡無消息夜合花前日又西

移牡丹栽

金錢買得牡丹栽何處辭叢別主來紅芳堪惜還堪恨
百處移將百處開

聽夜箏有感

江州去日聽箏夜白髮新生不願聞如今況是頭成雪
彈到天明亦任君

代謝好妓答崔員外

青娥小謝娘白髮老崔郎謾愛胸前雪其如頭上霜別
後曹家碑背上思量好字斷君腸

琵琶

絃清撥刺語錚錚背却殘燈就月明賴是心無惆悵事

不然爭奈子絃聲

和殷協律琴思

秋水蓮冠春草裙依稀風調似文君煩君五指分明語
知是琴心佯不聞

寄李蘇州兼示楊瓊

真娘墓頭春草碧心奴鬢上秋霜白爲問蘇臺酒席中
使君歌笑與誰同就中猶有楊瓊在堪上東山伴謝公

聽彈湘妃怨

玉軫朱絃瑟瑟微吳娃徵調奏湘妃分明曲裏愁雲雨
似道蕭蕭郎不歸

江南新詞有二云暮雨蕭蕭郎不歸

閒坐

煖擁紅爐火閒搔白髮頭百年慵裏過萬事醉中休有
室同摩詰無兒比鄧攸莫論身在日身後亦無憂

不睡

焰短寒缸盡聲長曉漏遲年衰自無睡不是守三尸

白氏長慶集卷第十九

白氏長慶集卷第二十

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩

五言七言凡一百首

初罷中書舍人

自慙拙宦叨清貴還有癡心怕素飧或望君臣相獻替
可圖妻子免飢寒性疎豈合承恩久命薄元知濟事難
分寸寵光酬未得不休更擬覓何官

宿陽城驛對月

自此後詩赴
杭州路中作

親故尋回駕妻孥未出關鳳皇池上月送我過商山

商山路有感

并序

前年夏予自忠州刺史除書歸闕時刑部李十一侍郎
戶部崔二十員外亦自澧果二郡守徵還相次入關皆
同此路今年予自中書舍人授杭州刺史又由此途出
二君已逝予獨南行追歎興懷慨然成詠後來有與予
杓直虞平游者見此短什能無惻惻乎儻未忘情請爲
繼和長慶二年七月三十日題於內鄉縣南亭云爾
憶昨徵還日三人歸路同此生都是夢前事旋成空杓
直泉埋玉虞平燭過風唯殘樂天在頭白向江東

重感

停驂歇路隅重感一長吁擾擾生還死紛紛榮又枯困
支青竹杖閒捋白髭鬚莫歎身衰老交游半已無

逢張十八員外籍

旅思正茫茫相逢此道傍曉嵐林葉闇秋露草花香白
髮江城守青衫水部郎客亭同宿處忽似夜歸鄉

日到風赴杭州重宿棣華驛見楊八舊詩感題一絕
往恨今愁應不殊題詩梁下又踟躕羨君猶夢見兄弟
我到天明睡亦無

風火寓言題僧

苦哉劫主萬劫餘八小無因劫災

劫風火起燒荒宅苦海波生蕩破船力小無因救焚溺
清涼山下且安禪

卦卦今內鄉縣村路作

日下風高野路涼緩驅疲馬闍思鄉渭村秋物應如此

棗赤梨紅稻穗黃

路上寄銀匙與阿龜

謫宦心都慣辭鄉去不難綠留龜子住涕淚一闌干小

子須嬌養鄒婆爲好看銀匙封寄汝憶我卽加殮

山泉煎茶有懷

坐酌泠泠水看煎瑟瑟塵無由持一盃寄與愛茶人

郢州贈別王八使君

昔是詩狂客今爲酒病夫強吟翻悵望縱醉不歡娛鬢
髮三分白交親一半無郢城君莫厭猶校近京都

吉祥寺見錢侍郎題名

雲雨三年別風波萬里行愁來正蕭索况見古人名

重到江州感舊遊題郡樓十一韻

掌綸知是忝剖竹信爲榮才薄官仍重恩深責尚輕昔

徵從典午今出自承明鳳詔休揮翰漁歌欲濯纓還乘

小艫音樓牒小舟也却到古湓城醉客臨江待禪僧出郭迎

青山滿眼在白髮半頭生又校三年老何曾一事成重

白集 卷三
過蕭寺宿再上庾樓行雲水新秋思閭閻舊日情郡民
猶認得司馬詠詩聲

贈江州李十使君員外十四韻

我本江湖上悠悠任運身朝隨賣藥客暮伴釣魚人迹
爲燒丹隱家緣嗜酒貧經過剡溪雪尋覓武陵人豈有
疎狂性堪爲侍從臣仰頭驚鳳闕下口觸龍鱗劔珮辭
天上風波向海濱非賢虛偶聖無屈敢求伸昔去曾同
日今來卽後塵元和末與李員外同日黜官今又相次出爲刺史中年俱白鬢
仕宦各朱輪長短才雖異榮枯事略均殷勤李員外不
合不相親

題別遺愛草堂兼呈李十使君李亦廬山人常隱白鹿洞

曾住爐峯下書堂對藥臺斬新蘿徑合依舊竹窓開砌
水親開決池荷手自栽五年方斲至一宿又須回縱未
長歸得猶勝不到來君家白鹿洞聞道亦生苔

重題

泉石尚依依林疎僧亦稀何年辭水閣今夜宿雲扉謾
獻長楊賦虛拋薜荔衣不能成一事贏得白頭歸

夜泊旅望

少睡多愁客中宵起望鄉沙明連浦月帆白滿船霜近
海江彌濶迎秋夜更長煙波三十宿猶未到錢塘

自集 卷三 四
黃梅縣邊黃梅雨白頭浪裏白頭翁九江濶處不見岸

五月盡時多惡風人間穩路應無限何事拋身在此中

舟中晚起

日高猶掩水窓眠枕簟清涼八月天泊處或依沽酒店
宿時多伴釣魚船退身江海應無用憂國朝廷自有賢
且向錢塘湖上去冷吟閒醉二三年

秋寒

雪鬢年顏老霜庭景氣秋病看妻檢藥寒遣婢梳頭身
外名何有人間事且休澹然方寸內唯擬學虛舟

初到郡齋寄錢湖州李蘇州

聊取二郡一晒故有落句之戲

俱來滄海郡半作白頭翁謾道風煙接何曾笑語同吏

稀秋稅畢客散晚亭空霽後當樓月潮來滿座風雲

切水名在吳興溪殊冷僻茂苑太繁雄唯此錢塘郡閒忙恰得

中

對酒自勉

五十江城守停杯一自思頭仍未盡白官亦不全卑榮

寵尋過分歡娛已校遲肺傷雖怕酒心健尚誇詩夜舞

吳娘袖春歌蠻子詞猶堪三五歲相伴醉花時

郡樓夜宴留客

北客勞相訪東樓爲一開卷簾待月出把火看潮來艷
聽竹枝曲香傳蓮子杯寒天殊未曉歸騎且遲迴

醉題候仙亭

蹇步垂朱綬華纓映白鬚何因駐衰老只有且歡娛酒
興還應在詩情可便無登山與臨水猶未要人扶

東院

松下軒廊竹下房暖簷晴日滿繩牀淨名居士經三卷
榮啓先生琴一張老去齒衰嫌橘醋病來肺渴覺茶香
有時閒酌無人伴獨自騰騰入醉鄉

虛白堂

虛白堂前衙退後更無一事到中心移牀就月簷閒臥
臥詠閒詩側枕琴

閒夜詠懷因招周協律劉薛二秀才

世名檢束爲朝士心性疎慵是野夫高置寒燈如客店
深藏夜火似僧爐香濃酒熟能嘗否冷澹詩成肯和無
若厭雅唸須俗飲妓筵勉力爲君鋪

晚興

極浦收殘雨高城駐落暉山明虹半出松閣鶴雙歸將
吏隨衙散文書入務稀閒吟倚新竹筠粉汗朱衣

衰病

老與病相仍華簪髮不勝行多朝散藥睡少夜停燈祿
食分供鶴朝衣減施僧性多移不得郡政謾如繩

病中對病鶴

困病病夫憐病鶴精神不損翅翎傷未堪再舉摩霄漢
只合相隨覓稻梁但作悲吟和嘹唳難將俗貌對昂藏
唯應一事宜爲伴我髮君毛俱似霜

夜歸

半醉閒行湖岸東馬鞭敲鐙轡瓏璵萬株松樹青山上
十里沙堤明月中樓角漸移當路影潮頭欲過滿江風
歸來未放笙歌散畫戟門開蠟燭紅

臘後歲前遇景詠意

海梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女牆
公事漸閒身且健使君殊未厭餘杭

白髮

雪髮隨梳落霜毛繞鬢垂加添老氣味改變舊容儀不
肯長如漆無過總作絲最憎明鏡裏黑白半頭時

錢湖州以箬

如灼切

下酒李蘇州以五醖

大透切重釀酒

酒相次寄到無因同飲聊詠所懷

勞將箬下忘憂物寄與江城賣酒翁鐺脚三州何處會

甕頭一盞幾時同，傾如竹葉盈樽綠。飲作桃花上面紅，
莫怪殷勤醉相憶。曾陪西省與南宮。

花樓望雪命宴賦詩

連天際海白皚皚，好上高樓望一迴。何處更能分道路，
此時兼不認池臺。萬重雲樹山頭翠，百尺花樓江畔開。
素壁聯題分韻句，紅爐巡飲暖寒盃。冰鋪湖水銀爲面，
風卷汀沙玉作堆。絳舞人春艷，曳勾留醉客夜徘徊。
偷將虛白堂前鶴，失却樟亭驛後梅。別有故情偏憶得，
曾經窮苦照書來。

晚歲

壯歲忽已去，浮榮何足論。身爲百口長官，是一州尊。不
覺白雙鬢，徒言朱兩轡。病難施郡政，老未答君恩。歲暮
別兄弟，年衰無子孫。惹愁諳世網，治苦賴空門。魯敢切手
取也帶知腰瘦看燈覺，眼昏不緣衣食繫。尋合返丘園。

宿竹閣

晚坐松簷下，宵眠竹閣閒。清虛當服藥，幽獨抵歸山。巧
未能勝拙，忙應不及閒。無勞別修道，卽此是玄門。

歲暮枉衢州張使君書并詩因以長句報之

西州彼此意何如，官職蹉跎歲欲除。浮石潭邊停五馬，
望濤樓上得雙魚。萬言舊手才難敵，五字新題思有餘。

貧薄詩家無好物反投桃李報瓊瑤

和薛秀才尋梅花同飲見贈

忽驚林下發寒梅便試花前飲冷盃白馬走迎詩客去
紅筵鋪待舞人來歌聲怨處微微落酒氣醺時旋旋開
若到歲寒無雨雪猶應醉得兩三迴

與諸客空腹飲

隔宿書招客平明飲暖寒麴神寅日合酒聖卯時歡促
膝纔飛白醜顏已渥丹碧籌攢米椀紅袖拂散盤醉後
歌尤異狂來舞不難拋盃語同坐莫作老人看

小歲日對酒吟錢湖州所寄詩

獨酌無多興閒吟有所思一杯新歲酒兩句故人詩楊
柳初黃日髭鬚半白時蹉跎春氣味彼此老心知

錢塘湖春行

孤山寺北賈亭西水向初平雲脚低幾處早鶯爭暖樹
誰家新燕啄春泥亂花漸欲迷人眼淺草纔能沒馬蹄
最愛湖東行不足綠楊陰裡白沙堤

題靈隱寺紅辛夷花戲酬光上人

紫粉筆含尖火焰紅臙脂染小蓮花芳情鄉思知多少
惱得山僧悔出家

重向火

白集 卷二
火銷灰復死跡棄已經旬豈是人情薄其如天氣春風
寒忽再起手冷重相親却就紅爐坐心如逢故人

候仙亭同諸客醉作

謝安山下空携妓柳惲洲邊只賦詩爭及湖亭今日會
嘲花詠水贈蛾眉

城上

城上萋萋鼓朝衙復晚衙君慵不出落盡遶城花

早行林下

披衣未冠櫛晨起入前林宿露殘花氣朝光新葉陰傍
松人迹少隔竹鳥聲深閒倚小橋立傾頭時一唸

送李校書赴寒食歸義興山居

大見騰騰詩酒客不憂生計似君稀到舍將何作寒食
滿船唯載樹栽歸

題孤山寺山石榴花示諸僧衆

山榴花似結紅巾容艷新妍占斷春色相故關行道地
香塵擬觸坐禪人瞿曇弟子君知否恐是天魔女化身

獨行

闍誦黃庭經在口閒攜青竹杖隨身晚花新筍堪爲伴
獨入林行不要人

二月五日花下作

二月五日花如雪五十二人頭似霜聞有酒時須笑樂
不關身事莫思量義和趁日沉西海鬼伯驅人葬北邙
只有且來花下醉從人笑道老顛狂

戲題木蘭花

紫房日照臙脂拆素艷風吹膩粉開怪得獨饒脂粉態
木蘭曾作女郎來

清明日觀妓舞聽客詩

看舞顏如玉聽詩韻似金綺羅從許笑絃管不妨吟可
惜春風老無嫌酒盞深辭花送寒食併在此時心
西湖晚歸回望孤山寺贈諸客

柳湖松島蓮花寺晚動歸橈出道場盧橘子低山雨重
棕櫚葉戰水風涼煙波澹蕩搖空碧樓殿參差倚夕陽
到岸請君回首望蓬萊宮在海中央

湖中自照

重重照影看容鬢不見朱顏見白絲失却少年無覓處
泥他湖水欲何爲

贈蘇鍊師

兩鬢蒼然心浩然松窓深處藥爐前攜將道士通宵語
忘却花光盡日眠明鏡懶開長在匣素琴欲弄半無絃
猶言莊子多詞句只讀逍遙六七篇

杭州春望

望海樓明照曙霞城東樓名望海樓名護江堤白蹋晴沙濤聲夜

入伍員廟柳色春藏蘇小家紅袖織綾誇柿蒂杭州出柿蒂花

者尤佳也青旗沽酒趁梨花其俗釀酒趁梨花時熟號為梨花春誰開湖寺西

南路草綠裙腰一道斜孤山寺路在湖州中草綠時望如裙腰

飲散夜歸贈諸客

鞍馬夜紛紛香街起暗塵回鞭招飲妓分火送歸人風

月應堪惜杯觴莫厭頻明朝三月盡忍不送殘春

湖亭晚歸

盡日湖亭臥心閒事亦稀起因殘醉醒坐待晚涼歸松

雨飄藤帽江風透葛衣柳堤行不厭沙軟絮霏霏

東樓南望八韻

不厭東南望江樓對海門風濤生有信天水合無痕鷓

帶雲帆動鷗和雪浪翻魚鹽聚為市煙火起成村日脚

金波碎峯頭鈿點繁送秋千里鴈報暝一聲猿已豁煩

襟悶仍開病眼昏郡中登眺處無勝此東軒

醉中酬殷協律

泗水城邊一分散浙江樓上重遊陪揮鞭二十年前別

命駕三千里外來醉袖放狂相向舞愁眉和笑一時開

留君夜住非無分且盡青娥紅燭臺

白集 卷三
孤山寺遇雨
蓋青
拂波雲色重
洒葉雨聲繁
水鷺雙飛起
風荷一向翻
空濛連北岸
蕭颯入東軒
或擬湖中宿
留船在寺門

樟亭雙櫻樹

南館西軒兩樹櫻
春條長足夏陰成
素華朱實今雖盡
碧葉風來別有情

湖上夜飲

郭外迎人月
湖邊醒酒風
誰留使君飲
紅燭在舟中

贈沙鷗

老逼教垂白
官科遣着緋
形骸雖有累
方寸却無機
遇

酒多先醉逢
山愛晚歸沙鷗
不知我猶避
隼旗飛

餘杭形勝

餘杭形勝四方無
州傍青山縣枕湖
遶郭荷花三十里
拂城松樹一千株
夢兒亭古傳名謝
教妓樓新道姓蘇

州西靈隱山上有夢謝亭卽是杜明浦夢謝靈運之所因名客兒也蘇小小本錢塘妓人也獨有使

君年太老
風光不稱
白髭鬚

江樓夕望招客

海天東望夕茫茫
山勢川形濶復長
燈火萬家城四畔
星河一道水中央
風吹古木晴天雨
月照平沙夏夜霜
能就江樓銷暑否
比君茅舍校清涼

新秋病起

一葉落梧桐年光半又空秋多上階日涼足入懷風病
瘦形如鶴愁焦鬢似蓬損心詩思裏伐性酒狂中華蓋
何曾惜金丹不致功猶須自慙愧得作白頭翁

木芙蓉花下招客飲

晚涼思飲兩三盃召得江頭酒客來莫怕秋無伴醉物
水蓮花盡木蓮開

悲歌

白頭新洗鏡新磨老逼身來不奈何耳裏頻聞故人死
眼前唯覺少年多塞鴻遇暖猶回翅江水因潮亦反波

獨有衰顏留不得醉來無計但悲歌

江樓晚眺景物鮮奇吟翫成篇寄水部張員外

澹煙疎雨閒斜陽江色鮮明海氣涼蜃散雲收破樓閣
虹殘水照斷橋梁風翻白浪花千片鴈點青天字一行
好著丹青圖寫取題詩寄與水曹郎

夜招周協律兼答所贈

滿眼雖多客開眉復向誰少年非我伴秋夜與君期落
魄俱耽酒殷勤共愛詩相憐別有意彼此老無兒

重酬周判官

秋愛冷吟春愛醉詩家眷屬酒家仙若教早被浮名繫

白集 卷三十一
可得閒遊三十年
精宋管風西家山
苦燒早
...

飲後夜醒

黃昏飲散歸來臥
夜半人扶強起行
枕上酒容和睡醒
樓前海月伴潮生
將歸梁燕還重宿
欲滅窓燈却復明
直至曉來猶妄想
耳中如有管絃聲

代賣薪女贈諸妓

亂蓬為鬢布為巾
曉蹋寒山自負薪
一種錢塘江畔女
着紅騎馬是何人

奉和李大夫題新詩二首各六韻

因嚴亭 一作固嚴

箕頰人窮獨蓬壺
路阻難何如兼吏
隱復得事躋攀巖
樹羅階下江雲貯
棟閒似移天日石
疑入武丘山清景
徒堪賞皇恩肯放
閒遙知興未足即
被詔徵還

忘筌亭

翠巘公門對朱軒
野逕連只開新戶
牖不改舊風煙空
室閒生白高情澹
入玄酒容同座勸
詩借屬城傳自笑
滄江畔遙思絳帳
前庭臺隨事有爭
敢比忘筌

予以長慶二年冬十月到杭州明年秋九月始

與范陽盧賈汝南周元範蘭陵簫悅清河崔
求東萊劉方輿同遊恩德寺之泉洞竹石籍

甚久矣及茲目擊果愜心期因自嗟云到郡
周歲方來入寺半日復去俯視朱綬仰睇白
雲有愧於心遂留絕句

雲水埋藏恩德洞簪裾束縛使君身慙來不宿歸州去
應被山呼作俗人

早冬

十月江南天氣好可憐冬景似春華霜輕未殺萋萋草
日暖初乾漠漠沙老柘葉黃如嫩樹寒櫻枝白是狂花
此時却羨閒人醉五馬無由入酒家
歲假內命酒贈周判官蕭協律

共知欲老流年急且喜新正假日頻聞健此時相勸醉
偷閒何處共尋春脚隨周叟行猶疾頭比蕭翁白未勻
歲酒先拈辭不得被君推作少年人

與諸客攜酒尋去年梅花有感

馬上同攜今日盃湖邊共覓去年梅年年只是人空老
處處何曾花不開詩思又牽吟咏發酒酣閒喚管絃來
樽前百事皆依舊點檢惟無薛秀才

去年與薛景文同賞今年長逝

醉送李協律赴湖南辟命因寄沈八中丞

富陽山底樟亭畔立馬停舟飛酒盃曾共中丞情繾綣
暫留協律語踟躕紫微星北承恩去青草湖南稱意無

不羨君官羨君幕幕中收得阮元瑜

內道場永謹上人就郡見訪善說維摩經臨別

請詩因以此贈

五夏登壇內殿師水爲心地玉爲儀正傳金粟如來偈
何用錢塘太守詩苦海出來應有路靈山別後可無期
他生莫忘今朝會虛白亭中發藥時

見李蘇州示男阿武詩自感成詠

遙羨青雲裏祥鸞正引雛自憐滄海畔老蚌不生珠

正月十五日夜月

歲熟人心樂朝遊復夜遊春風來海上明月在江頭燈

火家家市笙歌處處樓無妨思帝里不合厭杭州

題州北路傍老柳樹

皮枯緣受風霜久條短爲經攀折頻但見半衰當此路
不知初種是何人雪花零碎逐年減煙葉稀疎隨分新
莫道老株芳意少逢春猶勝不逢春

題清頭陀

頭陀獨宿寺西峯百尺禪菴半夜鐘煙月蒼蒼風瑟瑟
更無雜樹對山松

自歎二首

形羸自覺朝飡減睡少偏知夜漏長實事漸消虛事在

白集 卷三
銀魚金帶遶腰光
二毛曉落梳頭懶
兩眼春昏點藥頻
唯有心情未到不如人
有閒行猶得在

湖上醉中代諸妓寄嚴郎中
笙歌杯酒正歡娛
忽憶仙郎望帝都
借問連宵直南省
何如盡日醉西湖
蛾眉別久心知否
雞舌含多口厭無
還有些些惆悵事
春來山路見蘼蕪

自詠

悶發每吟詩引興
興來兼酌酒開顏
欲逢暇日先招客
正對衙時亦望山
勾檢簿書多鹵莽
隄防官吏少機關
誰能頭白勞心力
人道無才也是閒

晚興

草淺馬翩翩
新晴薄暮天
柳條春拂面
衫袖醉垂鞭
立語花隄上
行吟水寺前
等閒消一日
不覺過三年

早興

晨光出照屋梁明
初打開門鼓一聲
犬上階眠知地濕
鳥臨窓語報天晴
半銷宿酒頭仍重
新脫冬衣體乍輕
睡覺心空思想盡
近來鄉夢不多成

竹樓宿

小書樓下千竿竹
深火爐前一盞燈
此處與誰相伴宿

白集 卷三
燒丹道士坐禪僧

湖上招客送春汎舟

欲送殘春招酒伴客中誰最有風情兩瓶箬下新開得

一曲霓裳初教成時崔湖州寄新箬下酒來排比管絃

行翠袖指麾船舫點紅旌慢牽好向湖心去恰似菱花

鏡上行

戲醉客

莫言魯國書生懦莫把杭州刺史欺醉客請君開眼望

綠楊風下有紅旗

紫陽花招賢寺有山花一樹無人知名色紫氣香芳麗可愛頗類仙物因以紫陽花名

之

何年植向仙壇上早晚移栽到梵家雖在人閒人不識

與君名作紫陽花

白氏長慶集卷第二十一

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

後序

前三年元微之爲予編次文集而敘之凡五秩每秩十卷訖長慶二年冬號白氏長慶集邇來復有格詩律詩碑誌序記表贊以類相附合爲卷軸又從五十一以降卷而第之是時大和二年秋予春秋五十有七目昏頭白衰也久矣拙音狂句亦已多矣由茲而後宜其絕筆

若餘習未盡時時一詠亦不自知也因附前集報微之
故復序于卷首云爾

按此序宜與元相序同列秩首今
遍考諸本俱附此卷姑仍其舊

格詩訶行雜體

凡五十七首

郡齋旬假命宴呈座客示郡寮

自此後在
蘇州作

公門日兩衙公假月三旬衙用決簿領旬以會親賓公
多及私少勞逸常不均况爲劇郡長安得閒宴頻下車
已二月開筵始今晨初黔軍厨突一拂郡榻塵旣備獻
酬禮亦具水陸珍萍醅箸溪醕水鱸松江鱗侑食樂懸
動佐權妓席陳風流吳中客佳麗江南人歌節點隨袂
舞香遺在茵清奏凝未闕醅顏氣已春衆賓勿遽起群

寮且逡巡無輕一日醉用犒九日勤微彼九日勤何以
治吾民微此一日醉何以樂吾身

題西亭

朝亦視簿書暮亦視簿書簿書視未竟蟋蟀鳴座隅始
覺芳歲晚復嗟塵務拘西園景多暇可以少躊躕池鳥
澹容與橋柳高扶疎煙蔓嫋青薜水花披白蕖何人造
茲亭華敞綽有餘四簷軒鳥翅複屋羅蜘蛛直廊抵曲
房切窳切深且虛修竹夾左右清風來徐徐
此宜宴佳賓鼓瑟吹笙竽荒淫卽不可廢曠將何如幸
有酒與樂及時歡且娛忽其解郡印他人來此居

郡中西園
閒園多芳草春夏香靡靡深樹足佳禽旦暮鳴不已
院門閉松竹庭徑穿蘭芷愛彼池上橋獨來聊徙倚
魚依藻長樂鷗見人暫起有時舟隨風盡日蓮照水
誰知郡府內景物閒如此始悟誼靜綠何嘗繫遠邇

北亭臥

樹綠晚陰合池涼朝氣清蓮開有佳色鶴唳無凡聲
唯此閒寂境愜我幽獨情病假十五日十日臥茲亭
明朝吏呼起還復視黎甿

一葉落

煩暑鬱未退涼颼潛已起寒溫與盛衰遞相爲表裏
蕭蕭秋林下一葉忽先委勿言微搖落搖落從此始

崔湖州贈紅石琴薦煥如錦文無以答之以詩

酬謝

頽錦支綠綺韻同相感深千年古澗石八月秋堂琴
引出山水思助成金玉音人間無可比比我與君心

九日宴集醉題郡樓兼呈周殷二判官

前年九日餘杭郡呼賓命宴虛白堂去年九日到東洛
今年九日來吳鄉兩邊蓬鬢一時白三處菊花同色黃
一日日知添老病一年年覺惜重陽江南九月未搖落

柳青蒲綠稻穠香姑蘇臺榭倚蒼靄太湖山水含清光
 可憐假日好天色公門吏靜風景涼榜舟鞭馬取賓客
 掃樓拂席排壺觴胡琴錚鏦指撥刺吳娃美麗眉眼長
 笙歌一曲思凝絕金鈿再拜光低昂日脚欲落備燈燭
 風頭漸高加酒漿觥盞艷翻菡萏葉舞鬟擺落茱萸房
 半酣憑檻起四顧七堰八門十六坊遠近高低寺聞出
 東西南北橋相望水道脈分棹鱗次里閭碁布城冊方
 人煙樹色無隙罅十里一片青茫茫自問有何才與政
 高廳大館居中央銅魚今乃澤國節刺史是古吳都王
 郊無戎馬郡無事門有檠戟腰有章盛時儻來合慚愧

壯歲忽去還感傷從事醒歸應不可使君醉倒亦何妨
 請君停盃聽我語此語真實非虛狂五旬已過不為夭
 七十為期蓋是常須知菊酒登高會從此多無二十場

同微之贈別郭虛舟鍊師五十韻

我為江司馬君為荆判司俱當愁悴日始識虛舟師師
 年三十餘白哲好容儀專心在鉛音延汞呼孔切餘力工
 琴棋靜彈絃數聲閒飲酒一卮因指塵土下蜉蝣良可
 悲不聞姑射上千歲冰雪肌不見遼城外古今塚纍纍
 嗟我天地間有術人莫知得可逃死籍不唯走三尸授
 我參同契其辭妙且微六一悶肩鑷子午守雄雌我讀

隨日悟心中了無疑黃芽與紫車謂其坐致之自負因
自歎人生號男兒若不珮金印卽合翳玉芝高謝人間
世深結山中期泥壇方合矩鑄鼎圓中規鑪橐一以動
瑞氣紅輝輝齊心獨歎拜中夜偷一窺二物正訢合厥
狀何怪奇綢繆夫婦體狎獵魚龍姿簡寂館鍾後紫霄
峰曉時心塵未淨潔火候遂參差萬壽覬刀圭千功失
毫釐先生彈指起姹女隨煙飛始知緣會間陰騭不可
移藥竈今夕罷詔書明日追追我復追君次第承恩私
官雖小大殊同立白玉墀我直紫微闈手進賞罰詞君
侍玉皇座口含生殺機直躬易媒孽浮俗多瑕疵轉徙

今安在越嶠吳江湄一提支郡印一建連帥旗何言四
百里不見如天涯秋風旦夕來白日西南馳雪霜各滿
鬢朱紫徒爲衣師從廬山洞訪舊來於斯尋君又覓我
風馭紛逶迤帔裾曳黃絹鬚髮垂青絲逢人但斂手問
道亦頷頤孤雲難久留十日告將歸款曲話平昔殷勤
勉衰羸後會杳何許前心日磷緇俗家無異物何以充
別資素牋一百句題附元家詩朱頂鶴一隻與師雲閒
騎雲閒鶴背上故情若相思時時摘一句唱作步虛辭

霓裳羽衣歌

和微

我昔元和侍憲皇曾陪內宴宴昭陽千歌百舞不可數

就中最愛霓裳舞舞時寒食春風天玉鉤欄下香案前

案前舞者顏如玉不着人家俗衣服虹裳霞帔步搖冠

鈿瓔纍纍珮珊珊娉婷似不任羅綺顧聽樂懸行復止

磬簫箏笛遞相攙擊擗彈吹聲邈迤凡法曲之初衆樂不齊唯金石絲竹

次第發聲霓裳散序六奏未動衣陽臺宿雲慵不飛散序初亦復如此

六遍無指中序擘騫霍號切初入拍秋竹竿裂春冰拆中序初亦復如此

始有拍亦飄然轉旋迴雪輕嫣然縱送游龍驚小垂手

後柳無力斜曳裾時雲欲生四句皆霓裳舞之初態煙蛾斂略不

勝態風袖低昂如有情上元點鬟招萼綠王母揮袂別

飛瓊許飛瓊萼綠華皆女仙也繁音急節十二遍跳珠撼玉何鏗錚

霓裳曲十翔鸞舞了却收翅喚鶴曲終長引聲凡曲將畢皆聲

拍促速唯霓裳之當時乍見驚心目凝視諦聽殊未足

一落人閒八九年耳冷不曾聞此曲湓城但聽山魘語

巴峽唯聞杜鵑哭予自江州司馬轉忠州刺史移領錢塘第二年始

有心情問絲竹玲瓏篴篥謝好箏陳寵感栗沈平笙清

絃脆管纖纖手教得霓裳一曲成自玲瓏以下皆杭之妓名虛白亭

前湖水畔前後祇應三度按便除庶子拋却來聞道如

今各星散今年五月至蘇州朝鐘暮角催白頭貪看案

牘常侵夜不聽笙歌直到秋秋來無事多閒悶忽憶霓

裳無處問聞君部內多樂徒問有霓裳舞者無答云十

縣十萬戶無人知有霓裳舞唯寄長歌與我來題作霓
 裳羽衣譜四幅花牋碧閒紅霓裳實錄在其中千姿萬
 狀分明見恰與昭陽舞者同眼前髮髯觀形質昔日今
 朝想如一疑從魂夢呼召來似著丹青圖寫出我愛霓
 裳君合知發於歌詠形於詩君不見我歌云驚破霓裳
 羽衣曲長恨歌云又不見我詩云曲愛霓裳未拍時錢塘由
 來能事皆有主楊氏創聲君造譜開元中西涼府君言
 此舞難得人須是傾城可憐女吳妖小玉飛作煙夫差
 抱之罪微若煙霧散空王其母越艷西施化為土嬌花巧笑久
 寂寥娃館苧蘿空處所如君所言誠有是君試從容聽

我語若求國色始翻傳但恐八閒廢此舞妍媸優劣寧
 相遠大都只在人擡舉李娟張態君莫嫌亦擬隨宜且

教取娟態蘇
妓之名

小童薛陽陶吹觱栗歌和浙西李
大夫作

剪削乾蘆插寒竹九孔漏聲五音足近來吹者誰得名
 關雉老死李衮生衮今又老誰其嗣薛氏樂童年十二
 指點之下師授聲含嚼之間天與氣潤州城高霜月明
 吟霜思月欲發聲山頭江底何悄悄猿聲不喘魚龍聽
 翁然聲作疑管裂訕然聲盡疑刀截有時婉軟無筋骨
 有時頓挫生稜節急聲圓轉促不斷鞞鞞鞞似珠貫

白集 卷三
緩聲展引長有條有條直直如筆描下聲乍墜石沉重
高聲忽舉雲飄蕭明日旦公堂陳宴席主人命樂娛賓客
碎絲細竹徒紛紛宮調一聲雄出群衆音颯郎何縷不
落道有如部伍隨將軍嗟爾陽陶方稚齒下手發聲已
如此若教頭白吹不休但恐聲名壓關李

啄木曲

莫買寶剪刀虛費千金直我有心中愁知君剪不得莫
磨解結錐虛勞人氣力我有腸中結知君解不得莫染
紅絲線徒誇好顏色我有雙淚珠知君穿不得莫近紅
爐火炎氣徒相逼我有兩鬢霜知君消不得刀不能剪

心愁錐不能解腸結線不能穿淚珠火不能銷鬢雪不
如飲此神聖杯萬念千憂一時歇

題靈巖寺

寺卽吳館娃宮鳴榭廊
規池採香徑遺跡在焉

娃宮屨廊尋已傾規池香徑又欲平二三月時但草綠
幾百年來空月明使君雖老頗多思攜觴領妓處處行
今愁古恨入絲竹一曲涼州無限情直自當時到今日
中間歌吹更無聲

雙石

蒼然兩片石厥狀怪且醜俗用無所堪時人嫌不取結
從胚渾始得自洞庭口萬古遺水濱一朝入吾手擔昇

來郡內洗刷去泥垢孔黑煙痕深罅青苔色厚老蛟蟠
作足古劍插爲首忽疑天上落不似人間有一可支吾
琴一可貯吾酒峭絕高數尺坳泓容一斗五絃倚其左
十杯置其右窪樽酌未空玉山頽已久人皆有所好物
各求其偶漸恐少年場不容垂白叟迴頭問雙石能伴
老夫否石雖不能言許我爲三友

宿東亭曉興

溫溫土爐火耿耿紗籠燭獨抱一張琴夜入東齋宿窓
聲渡殘漏簾影浮初旭頭養曉梳多眼昏春睡足負暄
簷宇下散步池塘曲南鴈去未迴東風來何速雪依瓦

溝白草遶墻根綠何言萬戶州太守常幽獨

日漸長贈周殷二判官

日漸長春尚早墻頭半露紅萼枝池岸新鋪綠芽草蹋
草攀枝仰頭歎何人知此春懷抱年顏盛壯名未成官
職欲高身已老萬莖白髮真堪恨一片緋衫何足道賴
得君來勸一杯愁開悶破心頭好

花前歎

前歲花前五十二今年花前五十五歲課年功頭髮知
從霜成雪君看取

五年前在杭州有詩云五十二人頭似霜

幾人得老莫自

嫌樊李吳韋盡成土

樊絳州宗師李諫議景儉吳饒州丹韋侍郎顛皆舊往還相繼喪逝

南州桃李北州梅且喜年年作花主花前置酒誰相勸
容坐唱歌滿起舞容滿皆妓名也欲散重拈花細看爭知明日
無風雨

自詠五首

朝亦隨羣動暮亦隨羣動榮華瞬息閒求得將何用形
骸與冠蓋假合相戲弄何異睡着人不知夢是夢
一家五十口一郡十萬戶出爲差科頭入爲衣食主水
旱合心憂飢寒須手撫何異食蓼蟲不知苦是苦
公私頗多事衰憊殊少歡迎送賓客懶鞭笞黎庶難老
耳倦聲樂病口厭盃盤既無可戀者何以不休官

一日復一日自問何留滯爲貪逐日俸擬作歸田計亦
須隨豐約可得無限劑若待足始休休官在何歲
官舍非我廬官園非我樹洛中有小宅渭上有別墅旣
無婚嫁累幸有歸休處歸去誠已遲猶勝不歸去

和微之聽妻彈別鶴操因爲解釋其義依韻加
四句

義重莫若妻生離不如死誓將死同穴其奈生無子商
陵追禮教婦出不能止舅姑明日辭夫妻中夜起起聞
雙鶴別若與人相似聽其悲喚聲亦如不得已青田八
九月遼城一萬里徘徊去住雲嗚咽東西水寫之在琴

曲聽者酸心髓况當秋月彈先入憂人耳怨抑掩朱絃
沉吟停玉指一聞無兒歎相念兩如此無兒雖薄命有
妻偕老矣幸免生別離猶勝商陵氏

題故元少尹集後二首

黃壤詎知我白頭徒憶君唯將老年淚一洒故人文
遺文三十軸軸軸金玉聲龍門原上土埋骨不埋名

和微之四月一日作

四月一日天花稀葉陰薄泥新燕影忙蜜熟蜂聲樂麥
風低冉冉稻水平漠漠芳節或蹉跎遊心稍牢落春華
信爲美夏景亦未惡颭浪嫩青荷熏欄晚紅藥吳宮好

風月越郡多樓閣兩地誠可憐其奈久離索

吳中好風景二首

吳中好風景八月如三月水荇葉仍香木蓮花未歇海
天微雨散江郭纖埃滅暑退衣服乾潮生舩舫活兩衙
漸多暇亭午初無熱騎吏語使君正是遊時節

吳中好風景風景無朝暮曉色萬家煙秋聲八月樹舟
移管絃動橋擁旌旗駐改號齊雲樓重開武丘路况當
豐歲熟好是歡遊處州民勸使君且莫拋官去

答劉禹錫白太守行

吏滿六百石昔賢輒去之秩登二千石今我方罷歸我

秩訖已多我歸慙已遲猶勝塵土下終老無休期臥乞
百日告起吟五篇詩謂將罷官自咏五首朝與府吏別暮與州民
辭去年到郡時麥穗黃離離今年去郡日稻花白霏霏
爲郡已周歲半歲罹旱飢襦袴無一片甘棠無一枝何
乃老與幼泣別盡沾衣下慙蘇人淚上愧劉君辭

附白太守行

劉禹錫

聞有白太守拋官歸舊谿蘇州十萬戶盡作櫻兒啼
太守駐行舟閭門草萋萋揮袂謝帝者依然兩眉低
朱戶非不崇我心如重狴華池非不清意在寥廓栖
夸者竊所怪賢者默思齊我爲太守行題在隱起珪

別蘇州

浩浩姑蘇民鬱鬱長洲城來慙荷寵命去愧無能名青
紫行將吏班白列黎甿一時臨水拜十里隨舟行餞筵
猶未收征棹不可停稍隔煙樹色尚聞絲竹聲悵望武
丘路沉吟滄水亭還鄉信有興去郡能無情

卯時酒

佛法讚醍醐仙方誇沆

何黨切

瀼

奚介切

未如卯時酒神速

功力倍一盃置掌上三嚙入腹內煦若春貫腸暄如日
炙背豈獨肢體暢仍加志氣大當時遺形骸竟日忘冠
帶似遊華胥國疑反混元代一性旣完全萬機皆破碎

半醒思往來往來吁可怪寵辱憂喜閒惶惶二十載前
年辭紫闥今歲拋皂蓋去矣魚返泉超然蟬離蛻是非
莫分別行止無疑礙浩氣貯胸中青雲委身外捫心私
自語自語誰能會五十年來心未如今日泰况茲盃中
物行坐長相對

自問行何遲

前月發京口今辰次淮涯二旬四百里自問行何遲還
鄉無他計罷郡有餘資進不慕富貴退未憂寒飢以此
易過日騰騰何所爲逢山輒倚棹遇寺多題詩酒醒夜
深後睡足日高時眼底一無事心中百不知想到京國
日懶放亦如斯何必冒風水促促赴程歸

除日答夢得同發楚州

共作千里伴俱爲一郡迴歲陰中路盡鄉思先春來山
雪晚猶在淮水晴欲開歸歎吟可作休戀主人杯

問楊瓊

古人唱歌兼唱情今人唱歌唯唱聲欲說向君君不會
試將此語問楊瓊

有感三首

鬢髮已班白衣綬方朱紫窮賤當壯年富榮臨暮齒車
輿紅塵合第宅青煙起彼來此須去品物之常理第宅

非吾廬逆旅暫留止子孫非我有委蛻而已矣有如蠶
造繭又似花生子子結花暗凋繭成蠶老死悲哉可奈
何舉世皆如此

莫養瘦馬駒莫教小妓女後事在目前不信君看取馬
肥快行走妓長能歌舞三年五歲閒已聞換一主借問
新舊主誰樂誰辛苦請君大帶上把筆書此語

往事勿追思追思多悲愴來事勿相迎相迎已惆悵不
如兀然坐不如塌然臥食來即開口睡來即合眼二事
最關身安寢加餐飯忘懷即行止委命隨修短更若有
興來狂歌酒一盞

宿滎陽

生長在滎陽少小辭鄉曲迢迢四十載復向滎陽宿去
時十一二今年五十六追思兒戲時宛然如在目舊居
失處所故里無宗族豈唯變市朝兼亦遷陵谷獨有滎
水無情依舊綠

經滎水

落日駐吟騎沉吟懷古情鄭風變已盡滎水至今清不
見士與女亦無芍藥名

就花枝

就花枝移酒海今朝不醉明朝悔且筭歡娛逐日來任

他容鬢隨年改醉翻衫袖拋小令笑擲骰盤呼大采自
量氣力與心情二五年閒猶得在

喜雨

圃旱憂葵董農旱憂禾菽人各有所私我旱憂松竹松
乾竹焦死眷眷在心目灑葉漑其根汲水勞僮僕油雲
忽東起涼雨淒相續似面洗垢塵如頭得膏沐千柯習
習潤萬葉欣欣綠千日澆灌功不如一霖莫白霖切

方知宰生靈何異活草木所以聖與賢同心調玉燭

題道宗上人十韻

并序

普濟寺律大德宗上人法堂中有故相國鄭司徒歸尚

書陸刑部元少尹及今吏部鄭相中書韋相錢左丞詩
覽其題皆與上人唱酬閱其人皆朝賢省其文皆義語
予始知上人之文爲義作爲法作爲方便智作爲解脫
性作不爲詩而作也知上人者云爾恐不知上人者謂
爲護國法振靈一皎然之徒與故予題二十句以解之
如來說偈讚菩薩著論議是故宗律師以詩爲佛事一
音無差別四句有詮次欲使第一流皆知不二義精潔
霑戒體閒淡藏禪味從容恣語言縹緲離文字旁延邦
國彥上達王公貴先以詩句牽後令入佛智人多愛師
句我獨知師意不似休上人空多碧雲思

寄皇甫賓客

名利既兩忘形體方自遂臥掩羅雀門無人驚我睡睡
足抖擻衣閒步中庭地食飽摩挲腹心頭無一事除却
玄晏翁何人知此味

寄庾侍郎

一雙華亭鶴數片太湖石巉巉蒼玉峯矯矯青雲翮是
時歲云暮淡薄煙景夕庭霜封石稜池雪印鶴迹幽致
竟誰別閒靜聊自適懷哉庾順之好是今宵客

寄崔少監

微微西風生稍稍東方明入秋神骨爽琴曉絲桐清彈
爲古宮調玉水寒泠泠自覺絃指下不是尋常聲須臾
羣動息掩琴坐空庭直至日出後猶得心和平惜哉意
未已不使崔君聽

醉題沈子明壁

不愛君池東十叢菊不愛君池南萬竿竹愛君簾下唱
歌人色似芙蓉聲似玉我有陽關君未聞若聞亦應愁
殺君

勸酒

勸君一杯君莫辭勸君兩杯君莫疑勸君三杯君始知
面上今日老昨日心中醉時勝醒時天地迢迢自長久

白兔赤烏相趁走身後堆金拄北斗不如生前一樽酒
君不見春明門外天欲明喧喧歌哭半死生遊人駐馬
出不得白輦素車爭路行歸去來頭已白典錢將用買
酒喫

落花

留春春不住春歸人寂寞厭風風不定風起花蕭索既
興風前歎重命花下酌勸君嘗綠醅教人拾紅萼桃飄
火焰焰梨墮雪漠漠獨有病眼花春風吹不落

對鏡吟

白頭老人照鏡時掩鏡沉吟吟舊詩二十年前一莖白

如今變作滿頭絲

余二十年前嘗有詩云白髮生一莖朝來明鏡裏勿言一莖少滿頭從此

始今則

滿頭矣吟罷迴頭索杯酒醉來屈指數親知老於我者

多窮賤設使身存寒且飢少於我者半爲土墓樹已抽
三五枝我今幸得見頭白祿俸不薄官不卑眼前有酒
心無苦只合歡娛不合悲

耳順吟寄敦詩夢得

三十四十五慾牽七十八十百病纏五十六十卻不惡
恬淡清淨心安然已過愛貪聲利後猶在病羸昏耄前
未無筋力尋山水尚有心情聽管絃閒開新酒嘗數盞
醉憶舊詩吟一篇敦詩夢得且相勸不用嫌他耳順年

別羶帳火爐

憶昨臘月天北風三尺雪年老不禁寒夜長安可徹賴
有青羶帳風前自張設復此紅火爐雪中相暖熱如魚
入淵水似兔藏深穴婉軟蟄鱗蘇溫燉凍肌活方安陰
慘夕遽變陽和節無奈時候遷豈是恩情絕毳筆切
逐日卷香燎隨灰滅離恨屬三春佳期在十月但令此
身健不作多時別

六年春贈分司東都諸公

時爲河南尹

我爲同州牧內愧無才術忝擢恩已多遭逢幸非一偶
當穀賤歲適值民安日郡縣獄空空鄉間盜奔逸其閒

最幸者朝夕多分秩行接鴛鴦群坐成芝蘭室時聯拜
表騎閒動題詩筆夜雪秉燭遊春風攜榼出花教鶯點
檢柳付風排比法酒淡清漿含桃嫋紅實洛童調金管
盧女鏗瑤瑟黛慘歌思深腰凝舞拍密每因同醉樂自
覺忘衰疾始悟肘後方不如盃中物生涯隨日過世事
何時畢老子苦乖慵希君數牽率

九日代羅樊二妓招舒著作

齊梁格

羅敷斂雙袂樊姬獻一盃不見舒員外秋菊爲誰開

憶舊遊

寄劉蘇州

憶舊遊舊遊安在哉舊遊之人半白首舊遊之地多蒼

白集 卷三
苔江南舊遊凡幾處就中最憶吳江隈長洲苑綠柳萬
樹齊雲樓春酒一盃閫門曉嚴旗鼓出臯橋夕開船舫
迴修蛾慢臉燈下醉急管繁絃頭上催六七年前狂爛
熨三千里外思徘徊李娟張態一春夢周五殷三歸夜
臺虎丘月色爲誰好娃宮花枝應自開賴得劉郎解吟
詠江山氣色合歸來娟態蘇州妓名周殷蘇州從事

答崔賓客晦叔十二月四日見寄

來篇云共相呼喚醉歸來

今歲日餘二十六來歲年登六十二尚不能憂眼下身
因何更筭人閒事居士忘筌默默坐先生枕麴昏昏睡
早晚相從歸醉鄉醉鄉去此無多地

勸我酒

勸我酒我不辭請君歌歌莫遲歌聲長辭亦切此辭聽
者堪愁絕洛陽兒女面似花河南大尹頭如雪

贈韋處士六年夏大熱旱

驕陽連毒暑動植皆枯槁旱日乾密雲炎煙焦茂草少
壯猶困苦况予病且老脫無白梅檀何以除熱惱華嚴經云
以白梅檀塗身能除一切熱惱而得清涼也汗巾束頭鬢羶食熏襟抱始覺
韋山人休糧散髮好

白氏長慶集卷第二十二

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

格詩雜體

凡六十首

和微之詩二十三首

并序

微之又以近作二十三首寄來命僕繼和其間瘵絮四百字車斜二十篇者流皆韻劇辭殫瓌奇怪譎又題云奉煩只此一度乞不見辭若欲定霸取威置僕於窮地耳大凡依次用韻韻同而意殊約體爲文文成而理勝

白集 卷三
此足下素所長者僕何有焉今足下果用所長過蒙見
窘然敵則氣作急則計生四十二章麾掃並畢不知大
敵以爲如何夫劖石破山先觀鑿跡發矢中的兼聽絃
聲以足下來章惟求相困故老僕報語不覺大誇况曩
者唱酬近來因繼已十六卷凡千餘首矣其爲敵也當
今不見其爲多也從古未聞所謂天下英雄唯使君與
操耳戲及此者亦欲三千里外一破愁顏勿示他人以
取笑誚樂天白

和晨霞

此後在上都作

君歌仙氏真我歌慈氏真慈氏發真念念此閻浮人左

命大迦葉右召桓提因千萬化菩薩百億諸鬼神上自
非想頂下及風水輪胎卵濕化類蠢蠢難具陳弘願在
救拔大悲忘辛勤無論善不善豈間冤與親抉開生盲
眼擺去煩惱塵燭以智慧日洒之甘露津千界一時度
萬法無與隣借問晨霞子何如朝玉宸

和送劉道士遊天台

聞君夢遊仙輕舉超世雰握持尊臯節統衛吏兵軍靈
旂星月象天衣龍鳳紋佩服交帶錄諷吟藥珠文闔宮
縹緲閒鈞樂依稀聞齋心謁西母瞑拜朝東君煙霏子
晉裾霞爛麻姑裙倏忽別真侶悵望隨歸雲人生同大

白集 卷三
夢夢與覺誰分况此夢中夢悠哉何足云假如金闕頂
設使銀河瀆既未出三界猶應在五蘊飲嚙日月精茹
嚼沆瀣芬尚是色香味六塵之所熏仙中有天仙首出
夢幻羣慈光一照燭奧法相細縵不知萬齡暮不見三
光曠一性自了了萬緣徒紛紛苦海不能漂劫火不能
焚此是竺乾教先生垂典墳

和櫛沐寄道友

櫛沐事朝謁中門初動關盛服去尚早假寐須臾聞鐘
聲發東寺夜色藏南山停驂待五漏人馬同時聞高星
粲金粟落月沉玉環出門向關路坦坦無阻艱始出里
北閤稍轉市西闌晨燭照朝服紫爛復朱殷由來朝廷
士一入多不還因循擲白日積漸凋朱顏青雲已難致
碧落安能攀但且知止足尚可銷憂患

和祝蒼華

蒼華髮
神名

日居復月諸環迴照下土使我玄雲髮化爲素絲縷稟
質本羸劣養生仍莽鹵痛飲困連宵悲吟飢過午遂令
頭上髮種種無尺五根稀比黍苗梢細同釵股豈是乏
膏沐非關櫛風雨最爲悲傷多心焦衰落苦餘者能有
幾落者不可數禿似鵲填河墮如烏解羽蒼華何用祝
苦辭亦休吐正如剃頭僧豈要巾冠主

和我年三首

我年五十七榮名得幾許甲乙三道科蘇杭兩州主才能本淺薄心力虛勞苦可能隨衆人終老於塵土

我年五十七歸去誠已遲歷官十五政數若珠累累野萍始賓薦場苗初繫維因讀管蕭書竊慕大有爲及遭榮遇來乃覺才力羸黃紙詔頻草朱輪車載脂妻孥及僕使皆免寒與飢省躬私自愧知我者微之永懷山陰守未遂嵩陽期如何坐留滯頭白江之湄

我年五十七榮名得非少報國竟何如謀身猶未了昔嘗速官謗恩大而懲小一黜鶴辭軒七年魚在沼將枯

鱗再躍經鍛翮重矯白日上昭昭青雲高渺渺平生頗同病老大宜相曉紫綬足可榮白頭不爲天夙懷慕集頽晚節期松篠何當闕下來同拜陳情表

和三月三十日四十韻

送春君何在君在山陰署憶我蘇杭時春遊亦多處爲君歌往事豈敢辭勞慮莫怪言語狂須知酬答遽江南臘月半水凍凝如瘵寒景尚蒼茫和風已吹噓女墻城似竈鴈齒橋如鋸魚尾上齋淪草芽生沮洳律遲太簇管日緩羲和馭布澤木龍催迎春土牛助雨師習習灑雲將飄飄翥四野萬里晴千山一時曙杭土麗且康蘇

民富而庶善惡有懲勸剛柔無吐茹兩衙少辭牒四境

稀書疏俗以勞俸安政因閒暇著仙亭日登眺虎丘時

游預望山亭在杭尋幽駐旌軒選勝迴賓御舟移溪鳥

避樂作林猿觀池古莫耶沉石奇羅刹踞劍池在蘇州

州水苗泥易耨畝粟灰難鋤紫蕨抽出畦白蓮埋在淤

菱花紅帶黯溫葉黃含菸楚辭云葉菸色而就黃鏡動波颭菱雪

迴風旋絮手經攀桂馥齒為嘗梅楚坐併船脚欵行多

馬蹄阻聖賢清濁醉水陸鮮肥飫魚鱠芥醬調水葵鹽

鼓絮救慮反雖微五袴詠幸免兆人詛但令樂不荒何必

遊無倨吳苑僕尋罷越城公尚據舊遊幾客存新宴誰

人與莫空文舉酒強下何曾筋江上易優游城中多毀

譽分應當自盡事勿求人恕我既無子孫君仍畢婚娶

久為雲雨別終擬江湖去范蠡有扁舟陶潛有籃輦兩

心苦相憶兩口遙相語最恨七年春春來各一處

和寄樂天

賢愚類相交人情之大率然自古今來幾人號膠漆近

聞屈指數元某與白乙旁愛及弟兄中權避家室松筠

與金石未足喻堅密在車如輪轅在身如肘腋又如風

雲會天使相召匹不似勢利交有名而無實頃我在杭

歲值君之越日望愁來儀遲宴惜流景疾坐耀黃金帶

酌醜頰玉質酣歌口不停狂舞衣相拂平生賞心事施
展十未一會笑始啞啞離嗟乃唧唧餞筵纔收拾征棹
遽排北後恨苦絲絲前歡何卒卒居人色慘淡行子心
紆鬱風袂去時揮雲帆望中失宿醒和別思目眩心忽
忽病魂黯然銷老淚淒其出別君只如昨芳歲換六七
俱是官家身後期難自必籍田賦云難望歲而自必

和寄問劉白

時夢得與樂天方舟西上

正與劉夢得醉笑大開口適值此詩來歡喜君知否遂
令高卷幕兼遣重添酒起望會稽雲東南一回首愛君
金玉句舉世誰人有功用隨日新資材本天授吟哦不

能散自午將及酉遂留夢得眠匡牀宿東牖

和新樓北園偶集從孫公度周巡官韓秀才

盧秀才范處士小飲鄭侍御判官周劉二

從事皆先歸

聞君新樓宴下對北園花主人既賢豪賓客皆才華初
筵日未高中飲景已斜天地為幕席富貴如泥沙嵇劉
陶阮徒不足置齒牙臥甕鄙畢卓落帽嗤孟嘉芳草供
枕藉亂鶯助誼譁醉鄉得道路狂海無津涯一歲春又
盡百年期不賒同醉君勿辭獨醒古所嗟銷愁若沃雪
破悶如割瓜稱觴起為壽此樂無以加歌聲凝貫珠舞

袖飄亂麻相公謂四座今日非自誇有奴善吹笙有婢
彈琵琶十指纖若笋雙鬟鬢如鴟履舄起交雜盃盤散
紛拏歸去勿擁遏倒載逃難遮明日宴東武後日遊若
耶豈獨相公樂謳歌千萬家

和除夜作

君賦此詩夜窮陰歲之餘我和此詩日微和春之初老
知顏狀改病覺肢體虛頭上毛髮短口中牙齒疎一落
老病界難逃生死墟况此促促世與君多索居君在浙
江東榮駕方伯輿我在魏闕下謬乘大夫車妻孥常各
飽奴婢亦盈廬嗟是利人事比君全不如我統十郎官

君領百吏胥我掌四曹局君管十鄉間君爲父母君大
惠在資儲我爲刀筆吏小惡乃誅鋤君提七郡籍我按
三尺書俱已佩金印嘗同趨玉除外寵信非薄中懷何
不攄恩光未報答日月空居諸磊落嘗許君跼促應笑
予所以自知分欲先歌歸歎

和知非

因君知非問詮較天下事第一莫若禪第二無如醉禪
能泯人~~世~~醉可忘榮悴與君次第言爲我少留意儒教
重禮法道家養神氣重禮足滋彰養神多避忌不如學
神定中有甚深味曠廓了如空澄凝勝於睡屏除默默

念銷盡悠悠思春無傷春心秋無感秋淚坐成真諦樂
如受空王賜旣得脫塵勞兼應離慙愧除禪其次醉此
說非無謂一酌機卽忘三盃性成遂逐臣去室婦降虜
敗軍帥思苦膏火煎憂深局鎖祕須憑百杯沃莫惜千
金費便似罩中魚脫飛生兩翅勸君雖老大逢酒莫迴
避不然卽學禪兩途同一致

和望曉

休吟稽山曉聽詠秦城且鳴雞初有聲宿鳥猶未散丁
丁漏向盡鼕鼕鼓過半南山青沉沉東方白漫漫街心
若流水城角如斷岸星河稍隅落宮闕方輪煥朝車雷

四合騎火星一貫赫奕冠蓋盛熒煌朱紫爛沙堤蝦蟇

池

子城東北低下處舊號蝦蟇池

市路遶龍斷白日忽照耀紅塵紛散

亂貴教過客避榮任行人看祥煙滿虛空春色無邊畔
鷓鴣行候畧刻龍尾登霄漢臺殿暖宜攀風光晴可翫草
鋪地茵褥雲卷天幃幔鸞雜佩鏘鏘花遶衣粲粲何言
終日樂獨起臨風歎歎我同心人一別春七換相望山
隔礙欲去官羈絆何日到江東超然似張翰

和李勢女

減一分太短增一分太長不朱面若花不粉肌如霜色
爲天下艷心乃女中郎自言重不幸家破身未亡人各

有一死此死職所當忍將先人體與主爲疣瘡妾死主意快從此兩無妨願信赤心語速卽白刃光南郡忽感激却立捨鋒鋌撫背稱阿姊與姊同祖似切歸我如歸鄉竟以恩信待豈止猜妬忘由來机上肉不足揮干將南郡死已父骨枯墓蒼蒼願於墓上頭立石鐫此章勸誠天下婦不令陰勝陽

和酬鄭侍御東陽春悶放懷追越遊見寄

君得嘉魚置賓席樂如南有嘉魚時勁氣森爽竹竿竦妍文煥爛芙蓉披載筆在幕名已重補袞於朝官尚卑一緘疏入掩谷永三都賦成排左思自言拜辭主人後

離心蕩颺風前旗東南門館別經歲春眼悵望秋心悲

已上敘嘉魚

昨日嘉魚來訪我方駕同出何所之樂遊原頭

春尚早百舌新語新禪禪日趨花忙向南拆風催柳急從東吹流年愒恍未饒我美景鮮妍來爲誰紅塵三條界阡陌碧草千里鋪郊畿餘霞斷時綺幅裂斜雲展處羅文紕暮鐘遠近聲互動暝鳥高下飛追隨酒酣將歸未能去悵然迴望天四垂生何足養嵇著論途何足泣楊漣湏胡不花下伴春醉滿酌綠酒聽黃鸝嘉魚點頭時一歎聽我此言不知疲語終興盡各分散東西軒騎分逶迤此詩勿遣閒人見見見恐與他爲笑資白首舊寮

知我者憑君一詠向周師

周判官師範蘇杭舊判官去範字叶韻

和自勸二首

稀稀疎疎遶籬竹窄窄狹狹向陽屋屋中有一曝背翁
委置形骸如土木日暮半爐麩炭火夜深一盞紗籠燭
不知有益及民無二十年來食官祿就暖移盤簷下食
防寒擁被帷中宿秋官月俸八九萬豈徒遣爾身溫足
勤操丹筆念黃沙莫使飢寒囚滯獄

急景凋年急於水念此攬衣中夜起門無宿客共誰言
煖酒挑燈對妻子自飲數盃妻一盞餘酌分張與兒女
微酣靜坐未能眠風霰蕭蕭打窓紙自問有何才與術

入爲丞郎出刺史爭知壽命短復長豈得營營心不止

請看韋孔與錢崔半月之間四人死

韋中書孔京兆錢尚書崔華州十五

日間相次而逝

和雨中花

真宰倒持生殺柄閒物命長人短命松枝上鶴著下龜
千年不死仍無病人生不得似龜鶴少去老來同日暝
何異花開旦暝閒未落仍遭風雨橫草得經年菜連月
唯花不與多時節一年三百六十日花能幾日供攀折
桃李無言難自訴黃鸝解語憑君說鸚鵡雖爲說不分明
葉底枝頭謾饒舌

和晨興因報問龜兒

冬且寒慘澹雲日無晶輝當此歲暮感見君晨興詩君
詩亦多苦苦在兄遠離我苦不在遠纏綿肝與脾西院
病孀婦後牀孤姪兒黃昏一慟後夜半一起時病眠兩
行淚悲鬢萬莖絲咽絕五臟脈瘦消百骸脂雙目失一
目四肢斷兩肢不如溘然逝安用半活爲誰謂荼蘼苦
荼蘼甘如飴誰謂湯火熱湯火冷如澌前時君寄詩憂
念問阿龜喉燥聲氣窒經年無報辭及覩晨興句未吟
先涕垂因茲漣沍際一吐心中悲茫茫四海間此苦唯
君知我去四千里使我告訴誰仰頭向青天但見鴈南
飛憑鴈寄一語爲我達微之弦絕有續膠樹斬可接枝
唯我中腸斷應無連得期

和朝回王鍊師遊南山下

藹藹春景餘峩峩夏雲初躡蹠退朝騎飄飄隨風裾晨
從四丞相入拜白玉除暮與一道士出尋青谿居吏隱
本齊致朝野孰云殊道在有中適機忘無外虞但愧煙
霄上鸞鳳爲吾徒又慙雲林間鷗鶴不我疎坐傾數杯
酒臥枕一卷書興酣頭兀兀睡覺心于于以此送日月
問師爲何如

和嘗新酒

白集 卷三
空腹嘗新酒偶成卯時醉醉來擁褐裘直至齊時睡靜
酣不語笑真寢無夢寐殆欲忘形骸詎知屬天地醒餘
和未散起坐澹無事舉臂一欠伸引琴彈秋思

和順之琴者

陰陰花院月耿耿蘭房燭中有弄琴人聲貌俱如玉清
冷石泉引雅澹風松曲遂使君子心不愛凡絲竹

感舊寫真

李放寫我真寫來二十載莫問真何如畫亦銷光彩朱
顏與玄鬢日夜改復改無嗟貌遽非且喜身猶在

授太子賓客歸洛

自此後
東都作

南省去拂衣東都來掩扉病將老齊至心與身同歸白
首外緣少紅塵前事非懷哉紫芝叟千載心相依

秋池二首

身閒無所爲心閒無所思况當故園夜復此新秋池岸
闌鳥棲後橋明月出時菱風香散漫桂露光參差靜境
多獨得幽懷竟誰知悠然心中語自問來何遲

朝衣薄且健晚簟清仍滑社近燕影稀雨餘蟬聲歇閒
中得詩境此境幽難說露荷珠自傾風竹玉相戛誰能
一同宿共翫新秋月暑退涼早歸池邊好時節

中隱

白集 卷三
大隱住朝市小隱入丘樊丘樊太冷落朝市大囂諠不
如作中隱隱在留司官似出復似處非忙亦非閒不勞
心與力又免飢與寒終歲無公事隨月有俸錢君若好
登臨城南有秋山君若愛遊蕩城東有春園君若欲一
醉時出赴賓筵洛中多君子可以恣歡言君若欲高臥
但自深掩關亦無車馬客造次到門前人生處一世其
道難兩全賤卽苦凍餒貴則多憂患唯此中隱士致身
吉且安窮通與豐約正在四者閒

問秋光

殷卿領北鎮崔尹開南幕外事信爲榮中懷未必樂何
如不才者兀兀無所作不引窓下琴卽舉池上酌淡交
唯對水老伴無如鶴自適頗從容旁觀誠濩落身心轉
恬泰煙景彌淡泊迴首語秋光東來應不錯

引泉

一爲止足限二爲衰疾牽邴罷不因事陶歸非待年歸
來嵩洛下閉戶何翛然靜掃林下地閒疏池畔泉伊流
狹似滂洛石大如拳誰教明月下爲我聲濺濺竟夕舟
中坐有時橋上眠何用施屏障水竹繞牀前

知足吟

和崔十八
未貧作

不種一隴田倉中有餘粟不採一株桑箱中有餘服官

閒離憂責身泰無羈束中人百戶稅賓客一年祿樽中
不乏酒籬下仍多菊是物皆有餘非心無所欲吟君未
貧作因歌知足曲自問此時心不足何時足

酬集賢劉郎中對月見寄兼懷元浙東

月在洛陽天天高淨如水下有白頭人擘衣中夜起思
遠鏡亭上光深書殿裏眇然三處心相去各千里

太湖石

遠望老差峩近觀怪嶽峩纔高八九尺勢若千萬尋嵌
空華陽洞重疊屏山岑邈矣仙掌迴呀然劒門深形質
冠今古氣色通晴陰未秋已瑟瑟欲雨先沉沉天姿信
爲異時用非所任磨刀不如礪擣帛不如砧何乃主人
意重之如萬金豈伊造物者獨能知我心

偶作二首

擾擾貪生人幾何不天闕遑遑愛名人幾何能貴達伊
余信多幸拖紫垂白髮身爲三品官年已五十八筋骸
雖早衰尚未苦羸憒資產雖不豐亦不甚貧竭登山力
猶在遇酒興時發無事日月長不羈天地濶安身有處
所適意無時節解帶松下風抱琴池上月人間所重者
相印將軍鉞謀慮繫安危威權主生殺焦心一身苦炙
手旁人熱未必方寸閒得如吾快活

日出起盥櫛振衣入道場寂然無他念但對一爐香日
高始就食食亦非膏粱精粗隨所有亦足飽充腸日午
脫巾簪燕息窓下牀清風颯然至臥可致羲皇日西引
杖屨散步遊林塘或飲茶一盞或吟詩一章日入多不
食有時唯命觴何以送閒夜一曲秋霓裳一日分五時
作息率有常自喜老後健不嫌閒中忙是非一以貫身
世交相忘若問此何許此是無何鄉

葺池上舊亭

池月夜淒涼池風曉蕭颯欲入池上冬先葺池中閣向
暖窓戶開迎寒簾幕合苔封舊瓦木水照新朱蠟軟火

深土爐香醪小瓷榼中有獨宿翁一燈對一榻

崔十八新池

愛君新小池池色無人知見底月明夜無波風定時忽
看不似水一泊稀琉璃

翫止水

動者樂流水靜者樂止水利物不如流鑒形不如止淒
清早霜降浙瀝微風起中回紅葉開四隅綠萍委廣狹
八九丈灣環有涯涘淺深三四尺洞徹無表裏淨分鶴
翹足澄見魚掉尾迎眸洗眼塵隔曾蕩心滓定將禪不
別明與誠相似清能律貪夫淡可交君子豈唯空狎翫

亦取相倫擬欲識靜者心心源只如此

聞崔十八宿于新昌弊宅時予亦宿崔家依仁
新亭一宵偶同兩興暗合因而成詠聊以寫

懷

陋巷掩弊廬高居敞華屋新昌七株松依仁萬莖竹松
前月臺白竹下風池綠君向我齋眠我在君亭宿平生
有微尚彼此多幽獨何必求主人兩心聊自足

日長

日長晝加餐夜短朝餘睡春來寢食閒雖老猶有味林
塘得芳景園曲生幽致愛水多棹舟惜花不掃地幸無
眼下病且向樽前醉身外何足言人間本無事

三月三十日作

今朝三月盡寂寞春事畢黃鳥漸無聲朱櫻新結實臨
風獨長歎此歎意非一半百過九年艷陽殘一日隨年
減歡笑逐日添衰疾且遣花下歌送此盃中物

慵不能

架上非無書眼慵不能看匣中亦有琴手慵不能彈腰
慵不能帶頭慵不能冠午後恣情寢午時隨事餐一餐
終日飽一寢至夜安飢寒亦閒事况乃不飢寒

晨興

宿鳥動前林晨光上東屋銅爐添早香紗籠滅殘燭頭
醒風稍愈眼飽睡初足起坐兀無思叩齒三六何以
解宿齋一杯雲母粥

朝課

平甃白石渠靜掃青苔院池上好風來新荷大如扇小
亭中何有素琴對黃卷藥珠諷數篇秋思彈一遍從容
朝課畢方與客相見

天竺寺七葉堂避暑

鬱鬱復鬱鬱伏熱何時畢行入七葉堂煩暑隨步失簷
兩稍霏微窓風正蕭瑟清宵一覺睡可以銷百疾

香山寺石樓潭夜浴

炎光晝方熾暑氣宵彌毒搖扇風甚微褰裳汗霰霏起
向月中行來就潭中浴平石爲浴牀窪石爲浴斛綃巾
薄露頂草屨輕乘足清涼詠而歸歸上石樓宿

嗟髮落

朝亦嗟髮落暮亦嗟髮落落盡誠可嗟盡來亦不惡旣
不勞洗沐又不勞梳掠最宜濕暑天頭輕無髻縛脫置
垢巾幘解去塵纓絡銀瓶貯寒泉當頂傾一勺有如醍
醐灌坐受清涼樂因悟自在僧亦資於剝削

安穩眠

家雖日漸貧猶未苦飢凍身雖日漸老幸無急病痛眼
逢開處合心向閒時用既得安穩眠亦無顛倒夢

池上夜境

晴空星月落池塘澄鮮淨綠表裏光露簾清瑩迎夜滑
風襟蕭洒先秋涼無人驚處野禽下新睡覺時幽草香
但問塵埃能去否濯纓何必向滄浪

書紳

仕有職役勞農有吠晦勤優哉分司叟心力無苦辛歲
晚頭又白自問何欣欣新酒始開甕舊穀猶滿困吾嘗
靜自思往往夜達晨何以送吾老何以安吾貧歲計莫
如穀飽則不干人日計莫如醉醉則兼忘身誠知有道
理未敢勸交親恐爲人所哂聊自書諸紳

秋遊平泉贈韋處士閒禪師

秋景引閒步山遊不知疲杖藜捨輿馬十里與僧期昔
嘗憂六十四體不支持今來已及此猶未苦衰羸

詩云三十氣大壯四十多是非六十年太老四體不支持今故云心興遇境發身力因

行知尋雲到起處愛泉聽滴時南村韋處士西寺閒禪
師山頭與澗底聞健且相隨

遊坊口懸泉偶題石上

時爲河南尹

濟源山水好老尹知之久常日聽人言今秋入吾手孔

山刀劔立沁水龍蛇走危磴上懸泉澄灣轉吐口虛明
見深底淨綠無纖垢仙棹浪悠揚塵纓風抖擻巖寒松
柏短石古莓苔厚錦座纓高低翠屏張左右雖無安石
妓不乏文舉酒談笑逐身來管絃隨事有時逢杖錫客
或值垂綸叟相與澹忘歸自辰將及酉公門欲返駕溪
路猶迴首早晚重來遊心期罷官後

對火翫雪

平生所心愛愛火兼憐雪火是臘天春雪爲陰夜月鵝
毛紛正墮獸炭敲初折盈尺白鹽寒滿爐紅玉熱稍宜
杯酌動漸引笙歌發但識歡來由不知醉時節銀盤堆

柳絮羅袖搏瓊屑共愁明日銷便作經年別

六年寒食洛下宴遊贈馮李二少尹

豐年寒食節美景洛陽城三尹皆強健七日盡清明東
郊蹋青草南園攀紫荆風拆海榴艷露墜木蘭英假開
春未老宴合日屢傾珠翠混花影管絃藏水聲佳會不
易得良辰亦難并聽吟歌暫輟看舞杯徐行米價賤如
土酒味濃於餠徐盈切此時不盡醉但恐負平生殷勤二
曹長各捧一銀觥

苦熱中寄舒員外

何堪日衰病復此時炎燠厭對俗杯盤倦聽尺絲竹藤

白集 卷三十一
牀鋪晚雪角枕截寒玉安得清瘦人新秋夜曰宿非君
固不可何夕枉高躅

閒夕

一聲早蟬發數點新螢度蘭缸耿無煙筠簟清有露未
歸後房寢且下前軒步斜月入低廊涼風滿高樹放懷
常自適遇境多成趣何法使之然心中無細故

寄情

灼灼早春梅東南枝最早持來翫未足花向手中老芳
香銷掌握悵望生懷抱豈無後開花念此先開好

舒員外遊香山寺數日不歸兼屬尺書大誇勝

事時正值坐衙慮囚之際走筆起長句以贈
之

香山石樓倚天開翠屏碧立波環迴黃菊繁時好客到
碧雲合處佳人來謂遺英舊二妓酡顏一笑天桃綻清

唵數聲寒玉哀軒騎逶遲棹容與留連三日不能迴白
頭老尹府中坐早衙纔退暮衙催庭前堦上何所有纍
囚成貫案成堆豈無池塘長秋草亦有絲竹生塵埃今
日清光昨夜月竟無人來勸一杯

早冬遊王屋自靈都抵陽臺上方望天壇偶吟

成章寄溫谷周尊師中書李相公

白集 卷三
霜降山水清王屋十月時石泉碧漾漾巖樹
離離
為靈都遊暮有陽臺期飄然世塵外鸞鶴如可追忽念
公程盡復慙身力衰天壇在天半欲上心遲遲嘗聞此
遊者隱客與損之各抱貴仙骨俱非泥垢姿二人相顧
言彼此稱男兒若不為松喬即須作臯夔今果如其語
光彩雙葳蕤一人佩金印一人翳玉芝我來高其事詠
歎偶成詩為君題石上欲使故山知

吳宮辭

淡紅花帔淺檀蛾睡臉初開似剪波
對珠籠閒理曲
琵琶鸚鵡語相和
白氏長慶集卷第二十二

